

摘藻堂四庫全書薈要

經部

欽定四庫全書薈要卷一千二百二十六

經部

春秋公羊傳注疏卷二十二

起昭公元年
盡十二年

漢何休學

唐陸德明音義

昭公

元年春王正月公即位

叔孫豹會晉趙武楚公子圍齊國酌宋向戌衛石惡陳
公子招蔡公孫歸生鄭軒虎許人曹人于鄆注戍惡皆
與君同名不正之者正之當貶貶之嫌觸大惡方譏二

名為諱義當正亦可知音義

國酌二傳作國弱招上遙反軒虎軒依字許言反舊

音罕二傳作罕虎潏音郭又

疏解云齊國酌亦有作國弱者注解云下七年秋

音號左氏作號穀梁作郭

音號左氏作號穀梁作郭

衛侯惡卒十年冬宋公戌卒知向戌石惡皆與君同名也然則君臣者父子之倫寧有同名之理今二子與君

同名乃是不可之甚而春秋不正之者若正之當去其氏或貶稱人若其去氏嫌如宋督宋山齊無知之屬若

其稱人嫌如襄三十年澶淵之大夫有作福之大惡由茲進退不得正之然則君臣同名不軌之甚得不為大

惡者正以名者父之所置已父未必為今君之臣已或先世子而生君子既孤禮有不更名之義是以春秋謂

之小惡曲禮下篇云不敢與世子同名鄭注云其先之生則亦不改義亦通于此以此言之則知無駭入極之

屬自是大惡故去其氏佚卒翬溺會齊師之屬未命大夫正合無氏須辟嫌故○定六年冬季孫斯仲孫忌帥

師圍運傳云此仲孫何忌也曷為謂之仲孫忌譏二名
二名非禮也何氏云為其難諱也一字為名令難言而
易諱所以長臣子之敬不逼下也春秋定哀之間文致
太平欲見王者治定無所復為譏惟有二名故譏之此
春秋之制也然則所見之世文致太平二名者小過猶
尚譏之況名不辟君乃小惡之大者乎當須正之亦可
知矣總三世言之昭為太平之首所以不譏二名而定
哀之間乃譏之者蓋欲析而言之未當孔子之身故也
云云之說
在定六年

傳此陳侯之弟招也何以不稱弟注据八年稱弟疏

注解云即八年經云春陳侯
之弟招殺陳世子偃師是
貶曷為貶注据八年殺

偃師猶不貶為殺世子偃師貶曰陳侯之弟招殺陳

世子偃師大夫相殺稱人此其稱名氏以殺何注難

八年事音義

為于偽反下注為內為仕疏解云先舉皆同難乃旦反二年注同八年經文

然後難之○大夫相殺稱人文十六年宋人弑其君處白之下師解故此弟子取而難之言將自

是弑君也注明其欲弑君故令與弑君而立者同文

孔瑗弑君本謀在招音義

令力呈反疏解云世子者君之副貳今而殺之明

其從是以後有弑君之心故稱其名氏不作兩下相殺辭矣注解云兩下相殺例自稱人今欲明自是弑君故與文十四年齊公子商人弑其君舍文同矣若然大夫相殺稱人而宣十五年王札子殺召伯毛伯亦是大夫相殺而不稱人殺者彼注云大夫相殺不稱人者正之諸侯大夫碩弑君重故降稱人王者至

尊不得顧是也案昭八年春陳侯之弟招殺陳世子偃師夏四月辛丑陳侯溺卒竟無孔瑗弒君之文而知孔瑗弒君者正以八年下文冬十月壬午楚師滅陳執陳公子招放之于越殺陳孔瑗葬陳哀公當爾之時楚人託討于陳招殺世子但適放之而已孔瑗見殺明其弒君故也是以九年陳火之下傳云滅人之國執人之罪人殺人之賊葬人之君以此言之知孔瑗為弒君賊矣而經不書孔瑗弒君者本為招弒當舉招為重也但始有其計不成為弒陳侯溺卒者但自卒耳何氏之意見招作弒君之文故知本謀在招也本謀在招則招當為首而楚人所以不殺招但放之者蓋楚失其意或陳招歸罪於孔瑗是以但罪於孔瑗而招但罪其殺世子之愆遂免弒君之咎春秋體其事故於殺世子經書其名氏矣

爾詞曷為與親弒者同疏解云言招但與孔瑗為謀首而將欲弒陳侯爾而經

今將

曷為書招名氏乃君親無將將而必誅焉然則曷為與親弑者同文乎

不於其弑焉貶注据未弑也疏注解云据今仍未弑而已貶去其弟曷為

不於八年殺世子時貶之乎以親者弑然後其罪惡甚春秋不待

貶絕而罪惡見者不貶絕以見罪惡也注招殺偃師

是也音義見者賢徧反下同疏解云傳言此者欲道八年之時罪惡大甚不假貶絕也云

春秋不待貶絕而罪惡見者云云者解之而貶絕然言春秋者欲道上下通例如此不為此文

後罪惡見者貶絕以見罪惡也注招稱公子及楚人

討夏徵舒貶皆是也疏注解云招稱公子此文是也及楚人討夏徵舒貶即宣十

一年冬十月楚人殺陳夏徵舒傳云此楚子也其稱人何貶曷為貶不與外討是也今招之罪

已重矣曷為復貶乎此音義

復扶又反

注据棄疾不豫貶

疏

解云此今謂八年之時言八年殺世子之時將有弑君之意即是其罪已重矣何不逐其重處而貶

之曷為又復豫貶於此注解云下十一年夏楚公子棄疾帥師圍蔡至十三年夏楚公子棄疾弑公子比與招殺偃師無異棄疾於圍蔡之時不豫貶此則貶之故以為難也

著招之有罪也何

著乎招之有罪注据棄疾不著言楚之託乎討招以

滅陳也注起楚託討招以滅陳意也所以起之者八

年先言滅後言執託討招不明故豫貶於此明楚先

以正罪討招乃滅陳也疏

注解云八年經云冬十月壬午楚師滅陳陳執陳公子

招放之于越殺陳孔瑗葬陳哀公是其先言滅後言執之事也言託討招不明者正以若其託討宜先執後滅今乃先言滅後言執是託討不明楚先以正罪討招乃滅陳也而八年經先書滅者彼注云託義不先書者本懷滅心然則楚人本懷滅人之心故先書滅而宣十一年冬十月楚人殺陳夏徵舒丁亥楚子入陳先書討賊乃言入陳者莊王討賊之後始有利陳國之意故後書入也

三月取運

傳運者何疏

解云欲言內邑而經書取欲言外邑文無所繫故執不知問

內之邑

也其言取之何注据自魯之有不聽也注不聽者叛

也不言叛者為內諱故書取以起之不先以文德來之而便以兵取之當與外取邑同罪故書取月者為內喜得之疏

注解云月者為內喜得之正以僖三十一年春取濟西田不書月故知此月者

以其是內之叛邑喜討得之故也是以彼注云以不月者與取運異知非內叛邑故言取是也

夏秦伯之弟鍼出奔晉音義

鍼其庶反

傳秦無大夫此何以書疏

解云秦無大夫者正以文十二年秋秦伯使遂來聘

傳云秦無大夫此何以書賢繆公也何賢乎繆公其為能變然則秦處西戎罕接諸夏賢于繆公始有大夫自爾以來常多格化春秋漏之無仕諸晉也注為大夫名氏今得書見是以据而問之

仕之於晉書曷為仕諸晉注據國地足以祿之有千

乘之國注十井為一乘公侯封方百里凡千乘伯四

百九十乘子男二百五十乘時秦侵伐自廣大故曰

千乘音義

乘繩證反注同

疏

注解云公侯封方百里凡千乘約王制文連言侯者據有功者

言之云伯四百九十乘者正以王制云伯七十里故也云時秦侵伐自廣大故曰千乘者正以此伯故也

而不能容其母弟故君子謂之出奔也注弟賢當任

用之不肖當安處之乃仕之他國與逐之無異故云

爾

六月丁巳邾婁子華卒

晉荀吳帥師敗狄于大原音義

大原音疏解云案左氏泰下同作大鹵字穀

梁與
此同

傳此大鹵也曷為謂之大原注据讀言大原也音義

鹵力疏解云案古史文及夷狄之人皆謂之大鹵而古反今經與師讀皆謂之太原故難之注解云時

公羊子亦讀言大原也

地物從中國注以中國形名言之所以

曉中國教殊俗也疏

解云言所以今經與師讀皆言大原者正以地與諸物之名皆

須從諸夏名之故也注解云謂諸夏之稱皆從地之形勢為名此地形勢高大而廣平故謂之大原云所

以曉中國教殊俗也者本史及夷狄皆謂之大鹵而今經與師讀必謂之大原者正以曉中國之人教有殊俗之邑人名從主人注邑人名自夷狄所名也不義故也

若地物有形名可得正故從夷狄辭言之疏

解云此主人謂

夷狄也言大原人道云之時從其夷狄皆謂之大鹵故注云邑人名自夷狄所名也注解云諸夏地物有形名言之夷狄之俗不如諸夏之地物有形勢之名也可得正者猶言可能正是故本史及邑人止從夷狄辭言之謂原者何疏解云春秋之文既同明是廣大之義原鹵名異未有分別之言故以上平曰原下平曰隰注分別之者地勢各不知問之

有所生原宜粟隰宜麥當教民所宜因以制貢賦音

義

隰音習別彼列反

疏

解云釋地云廣平曰原李氏云廣平謂土地寬博而平正者名原然則此

言上平者蓋欲對隰言之故謂之上平其實與爾雅廣平不異釋地云下濕曰隰李氏云下溼謂土地穴下但當名為隰然則此言下平者正欲對上平言之仍與溼不異

秋莒去疾自齊入于莒

莒展出奔吳注主書去疾者重篡也莒無大夫書展者起與去疾爭篡當國出奔言自齊者當坐有力也皆不

氏者當國也不從莒無大夫去氏者莒殺意恢稱公子

篡重不嫌本不當氏音義

去起呂反

疏

注解云莒無大夫在莊二十七年傳文云

當國出奔者正以襄三十一年冬莒人弑其君密州今言去疾之入入者出入惡之文而文不氏故知出時為當國也既是當國正合書入而言自齊者刺齊有力矣其出奔不書者春秋之義微者出入不兩書故也云皆不氏者當國也者正以隱元年鄭伯克段于鄆之下傳云何以不稱弟當國也則此等不言公子者是當國之文注不從莒云云者下十四年冬莒殺其公子意恢何氏云莒無大夫書殺公子者子未踰年而殺其君之子不孝大甚故重錄之稱氏者明君之子也然則莒為小國大夫名氏例不錄見假有錄者名氏不具即莒慶之屬無氏是也今此去疾之徒寧知不爾彊云當國故不當氏者正以莒殺意恢重而錄氏今邪庶並纂其事非輕固宜重而錄之但欲當國為君故如其意使惡逆見也然則意恢事重故稱公子今亦纂重明其未貶之時亦合稱氏故云纂重不嫌本不當氏也

叔弓帥師疆運田音義

疆居良反下同

傳疆運田者何疏

解云欲言正界而經書帥師欲言侵伐而道疆運故執不知問

與

莒為竟也注疆竟也與莒是正竟界若言城中丘疏

解云若言與莒人造作竟界注解云隱七年夏城中丘傳云何以書以重書也何氏云以功重故書當稍稍補完之至令大崩弛壞敗然後發衆城之猥苦百姓空虛國家故言城明其功重與始作無異則彼若稍稍補完則輕而不書至於功重故書而刺之今此魯若往之前之時少侵即正則輕而不書至於大損而與師發衆乃能正之明其功與莒為竟則曷為帥師重與始取無異故若城中丘

而往注据非侵伐畏莒也注畏莒有賊臣亂子而興

師與之正竟刺魯微弱失操煩擾百姓疏

注解云襄三十一年

莒人弑其君密州是為賊臣而二子爭篡是為亂子魯人見其賊亂恐其轉侵是以興兵與之正竟賊亂之人自救無暇焉能轉侵手故云微弱失操煩擾百姓也

葬邾婁悼公

冬十有一月己酉楚子卷卒音義

卷音權左氏作麋

疏

解云左氏作麋

字二小傳本亦有作麋字者

楚公子比出奔晉注辟內難也疏

注解云正以更無他事於君薨之際而出

奔故知止應辟內難故也

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復

傳其言至河乃復何注据公如晉次于乾侯而還言

至自乾侯不言至乾侯乃復疏

注解云即下二十八年春公如晉次于乾

侯二十九年春公至自乾侯是也

不敢進也注乃難辭也時聞晉欲

執之不敢往君子榮見與恥見距故諱使若至河河

水有難而反音義

難奴旦反下同

疏

注解云乃難辭也者宣八年傳文云故諱使若

至河河水有難而反者若如川之滿不可游也然

季孫宿如晉

三年春王正月丁未滕子泉卒疏

解云滕子泉卒左氏穀梁作原字

夏叔弓如滕

五月葬滕成公注月者襄公上葬諸侯莫肯加禮獨滕

子來會葬故恩錄之明公當自行不當遣大夫失禮尤

重以責內疏

注解云卒月葬時者小國之常典下六年夏葬杞文公之屬是也今而書月故以為

恩錄之言襄公上葬者謂上文葬襄公時也言諸侯莫肯加禮獨滕子來會葬者即襄三十一年夏公薨于楚宮冬十月滕子來會葬癸酉葬我君襄公是也○公羊之義鄰國諸侯及隣國夫人喪皆公自會葬故異義公羊說云襄公三十年叔弓如宋葬共姬議公不自行是也然則凡平諸侯之葬公猶自行况其加禮於已者乎故言失禮尤重以責內也

秋小邾婁子來朝

八月大雩注先是公季孫宿比如晉

冬大雨雹注為季氏音義

雨于付反雹步角反為于偽反

北燕伯款出奔齊注名者所見世著治大平責小國詳

錄出奔當誅音義

治直吏反大音泰

疏

注解云春秋之義有三世異辭入所見之世小

國出奔而書其名故知義然也即莊十年譚子奔莒僖五年弦子奔黃十年溫子奔衛成十二年周公出奔晉之屬皆不名至于此文北燕伯款下三十年冬徐子章禹出奔楚之屬皆書其名是也言出奔當誅者謂太平之世民皆有禮況于諸侯不死社稷而棄國出奔當合誅滅矣

四年春王正月大雨雪注為季氏音義

雨于付反左氏作大雨電為于

偽反下文及注為齊誅並同

疏

解云案正本皆作電字左氏經亦作電字故賈氏云穀梁作大雨雪今此

若有作雪字者誤也

夏楚子蔡侯陳侯鄭伯許男徐子滕子頃子胡子沈子

小邾婁子宋世子佐淮夷會于申注不殊淮夷者楚子

主會行義故君子不殊其類所以順楚而病中國疏解注

云內諸夏外夷狄者春秋之常典而不殊淮夷者正以此會楚子為主會行義其行義者即下文為齊誅是也故君子不殊其類者君子謂孔子孔子作春秋不殊楚之類孔子之意所以然者正欲順楚之事而病諸夏之衰微何者言楚夷狄尚能行義以相榮顯況於諸夏反不能然故得病之若然春秋之式傳聞之世內其國外諸夏所聞之世內諸夏外夷狄所見之世治致太平錄夷狄則不殊淮夷固其宜也何得此注云由楚子主會行義君子不殊其類者正以等是太平亦有麤細昭當其父非已時事定哀之世乃醇粹也是以定六年仲孫忌之下何氏云春秋定哀之間文致太平故見王者治定無所復為譏惟有二名故譏之是也然則淮夷始見

安行無禮是以此經更無進稱未當定哀之間仍合外
限但由楚子主會故得不殊是以何氏更為立義矣

楚子執徐子

秋七月楚子蔡侯陳侯許男頓子胡子沈子淮夷伐吳
執齊慶封殺之

傳此伐吳也其言執齊慶封何為齊誅也注故繫之
齊其為齊誅奈何慶封走之吳注以襄公二十八年
奔魯自是走之吳不書者以絕于齊在魯不復為大

夫賤故不復錄之音義

復扶又反

疏

注解云以襄公二十八年奔魯即彼云冬

齊慶封來奔是也

吳封之於防注不書入防者使防繫吳嫌

犯吳也去吳嫌齊邑也音義

去起呂反

疏

注解云案如此經上言伐吳則

犯吳之文已著何得注云使防繫吳嫌犯吳也正以慶封往前已封于防為小國矣但諸侯之義不得專封是以春秋奪言伐吳矣實言之非伐吳矣今日此經若言入防則更成上伐吳之文實伐吳則為犯吳若直言入防執齊慶封殺之則恐防是齊邑是以進退不得作文也然則曷為不言伐

防注据防已為國不與諸侯專封也注故奪言伐吳

慶封之罪何脅齊君而亂齊國也注道為齊誅意也

稱侯而執者伯討也月者善義兵疏

注解云稱侯而執者伯討也者

僖四年傳文上下更無稱爵以執大夫之事惟此一經可以當之故何氏言焉若然案如此經不重出楚子以為伯討之義僖二十一年秋宋公楚子陳侯以下會于霍執宋公以伐宋傳云曷為不言楚子執之不與夷狄之執中國者正以此經楚子為會主而序于上下言執慶封殺之可以因上文不勞重出也既得因上文即是稱爵以執之故知為伯討案霍之經宋公序上乃次楚子下言執宋公明知不得因上文矣既不因上文而不更出楚子不與夷狄之執諸夏故也云月者善義兵也者正以侵伐例時故也

遂滅厲注莊王滅蕭日此不日者靈王非賢責之略音

義

厲如字又音賴左氏作賴

疏

解云遂滅厲有作賴字者注解云宣十二年冬十有二月戊寅楚子滅蕭

彼注云日者厲上有王言今反滅人故深責之是也然則以靈王非賢故責之略還依常例書月若似莊十年

冬十月齊師
滅譚之屬是

九月取鄆

傳其言取之何注据國言滅疏

注解云即滅譚滅遂之屬是也

滅之

也滅之則其言取之何內大惡諱也注因鄆上有滅

文故使若取內邑疏

解云隱二年無駭入極之下傳云此滅也其言入何內大惡諱

也今又重發之者正以入取之文不同故也注解云直言取鄆言上有滅文者即襄六年秋莒人滅鄆是也內取邑直言取者上元年三月取運之屬是也言上有滅鄆之文鄆不復為國因此之故遂直言取若似內自取邑然則襄六年之時鄆已見滅今而言取者彼直言取後乎莒非兵滅是以魯人今得取之以此

言之則無駭入極不言取者正以極上無減文故也

冬十有二月乙卯叔孫豹卒

五年春王正月舍中軍音義

舍音捨下及注同

疏

解云襄十一年時於司馬

之下為之置中卿之官令助司馬為軍將添前司徒司空之屬為三軍踰王制故於彼經云作三軍以譏之今還依古禮舍司馬不復令作將軍故曰舍中軍

傳舍中軍者何疏

解云欲言非禮實如王制欲言復是禮不應復書之故執不知問

古也注善復古也疏

解云正以魯為州故正合二軍今舍僭從禮故曰復古是以隱

五年注云方伯二師是也注解云言舍僭從禮正是常事而書之者正以當時皆僭獨自能抑從禮善其

復古是以書之然則曷為不言三卿注据上言作三故云善復古也

軍等問不言軍云卿者上師解言三卿因以為難音

義

難乃旦疏注解云弟子之意見上文襄十一年時反下同疏云道作三軍今日舍之應言舍三軍而

言舍中軍與上文異故難之襄十一年傳云三軍者何三卿也然則今於此問何故不云曷為不言舍三軍而言卿者正以上文襄十一年時師解以為三軍者何三卿也是以弟子因而難之云曷為不言舍三

卿

五亦有中三亦有中注此乃解上作三軍時意作

時益中軍不可言中軍者五亦有中三亦有中不知何中也今此据上作三軍不言中則益三之中舍三

之中皆可知也弟子本据上言作三難下中不言三也如師解言本益中故下言舍中為其將復据下中難上不言中故解上以解下如此則下不言三亦可知也不言卿者欲同上下文以相起傳不足以解之者以上解下文當同亦可知月者善錄之音義偽為于反

復扶疏解云襄十一年時益司馬之職更令將軍正又反疏是作中而不言作中軍者正以五亦有中三亦有中若言作中軍嫌是五之中故變言作三軍若欲實而言之正是作中軍故至舍時云道中軍矣注解云此乃解上作三軍時意者上謂襄十一年時也云作時益中軍者謂于司馬之下置中卿令助司馬

將軍添前二軍為三軍故曰作時益中軍也云今此
据上作三軍不言中云三者今此公羊子据上作三
軍時不言中之意故言五亦有中三亦有中也如此
則上益三之中下舍三之中皆可知矣何者上言作
三軍下言舍中軍則非五之中亦明矣云弟子本据
上言作三難下中不言三也者即此傳云然則曷為
不言舍三卿是也如詁為若若公羊答之云本益三
之中故言舍中即恐弟子難之云今舍時言中軍作
時曷為不言作中軍若其如此即是守文不察疑惑
門人非師訓之道故公羊子解上以解下何者解上
作時實是中軍但有嫌疑不得言中遂變言三軍即
是解此下文舍中軍不得言三之意故云解上以解
下如此言之即下文不言三軍昭然可解故云亦可
知云不言卿者欲同上下文以相起者正實而言之
正是舍去司馬之職中卿之官何以不言舍中卿而
言舍中軍者正以襄十一年時云作三軍故欲同其

文相起為一物傳不足以解之者傳若足解之宜云
前此作三軍之時不言中者五亦有中三亦有中此
舍三軍不言三者正以前三非正稱故舍時不得言
三今此傳文少故言傳不足解之也欲以上解下者
以作時文在上故傳特解之上文既解訖下文不言
三之意當同上義亦可知云月者善錄之者謂善其
復古而詳錄之也

楚殺其大夫屈申

公如晉

夏莒牟夷以牟婁及防茲來奔

傳莒牟夷者何疏

解云欲言莒君經不言子欲言大夫莒無大夫故執不知問

莒

大夫也莒無大夫此何以書重地也其言及防茲來

奔何注据漆閭丘不言及高張言及疏

注解云言漆閭丘不言及

者即襄二十一年春邾婁庶其以漆閭丘來奔是也
高張言及者即哀六年夏齊國夏及高張來奔是也
正以地邑無及文上下大夫乃言及與此防茲之義
違故難之何者人之尊卑自有差等故可以言及地
邑無尊卑之義恐其不得言及也

不以私邑累公邑也注公邑君邑

也私邑臣邑也累次也義不可使臣邑與君邑相次
序故言及以絕之

秋七月公至自晉

戊辰叔弓帥師敗莒師于濇泉音義

濇扶粉反濇泉涌泉也左氏作蚡泉

穀梁作

賁泉

傳濇泉者何疏

解云欲言地名以泉名之欲言是水戰于其處故執不知問

直泉

也疏

解云謂此泉直上而出

直泉者何疏

解云欲言涌地不應言直欲言土地仍謂

之泉故執不知問

涌泉也注蓋戰而涌為異也不傳異者外

異不書此象公在晉臣下專受莒叛臣地以興兵戰

鬪百姓悲怨歎息氣逆之所致故因以著戰處欲明

天之與人相報應之義音義

處昌慮反應應對之應

疏

注解云蓋戰而

涌為異也者似穀洛鬪之事也春秋之義外異不書即襄十九年不書鄆移之属是今此瀆泉為異故不錄經既不錄傳無由發之經若書之傳宜云何以書為天下記異似若僖十四年沙鹿崩之傳矣云此象公在晉云云者公在晉者即上春公如晉是也臣下專受莒叛臣地者即經書夏莒牟夷以下云云來奔在秋七月公至自晉之上是也以興兵戰鬪者即此戰敗于瀆泉是正以敗者內戰之文故也上註云外異今此云魯人悲怨致之者正以瀆泉在莒魯界上二國結怨方戰於此應而為異何以不然天人相報應之義疏具僖三年

秦伯卒

傳何以不名注据諸侯名秦者夷也匿嫡之名也注

嫡子生不以名令于四竟擇勇猛者而立之音義

丁嫡

歷反注疏注解云即內則云夫告宰名宰辯告諸男及下同疏名書曰某年某月某日某生而藏之宰告

閭史書為二其一藏諸閭府其一獻諸州史州史獻諸州伯州伯命藏諸州府是其以名令于四竟之義也其擇勇猛者而立之者正其名何注据秦伯嬰稻以夷狄之人不尚文德故也

名疏

注解云文十八年春秦伯瑩卒宣四年春秦伯稻卒是也然則文十八年經作瑩字今此嬰字

者誤也寧知非彼誤者正以文十八年秦伯瑩卒之下賈氏云穀梁傳云秦伯偃不道公羊曰嬰知公羊與左氏同皆作瑩字矣注獨嬰稻以嫡得之也注獨嫡得立之者嬰字亦誤宜為瑩字矣

嬰稻以嫡得立之

冬楚子蔡侯陳侯許男頓子沈子徐人越人伐吳注吳未服慶封之罪故也越稱人者俱助義兵意進於淮夷故加人以進之義兵不月者進越為義兵明故省文疏
注解云即上四年秋七月楚子蔡侯陳侯許男頓子胡子沈子淮夷伐吳彼注云月者善義兵然則上文淮夷雖助義兵其意不進故不稱淮人今稱人故以進解之云義兵不月者進越為義兵明故省文者正以侵伐例時義兵則詳錄故上四年秋七月楚子以下伐吳注云月者善義兵是也今此亦為義兵而不書月故如此解
六年春王正月杞伯益姑卒注不日者行微弱故畧之上城杞已貶復卒略之者入所見世責小國詳始錄內

行也諸侯內行小失不可勝書故於終略責之見其義

音義

復扶又反內行下孟反下同勝音升見其賢遍反

疏

注解云不日者正以襄二十三年春三月

己巳杞伯勾卒彼已書日今而書月故解之上城杞已貶者謂襄二十九年夏仲孫羯會晉荀盈齊高止宋華定以下城杞杞子來盟注云貶稱子者微弱不能自城危社稷宗廟當坐是也律云一人有數罪則以重者坐之然則亦不再加而卒復畧之者正以此是入所見之世責小國詳始錄其內行故也諸侯內行小失寧可備盡但當卒時畧之而已言不可勝書者言小行非一不可勝負不可具書猶如序云不可勝記之類也何氏必此解者正以往前經傳不見杞伯之惡而經略之知內行有失也

葬秦景公

夏季孫宿如晉

葬杞文公

宋華合比出奔衛音義

毗志反

秋九月大雩注先是季孫宿如晉是後叔弓與公比如

楚有豫賦斂之煩也音義

或無此字

疏

注解云文當如是言先是季孫

宿如晉即上文夏季孫宿如晉是也言是後叔弓與公比如楚者即下文冬叔弓如楚七年三月公如楚故謂之比也二年事皆在後故云有豫賦之煩也亦有一本云叔弓如齊者誤

楚遂頗帥師伐吳疏

解云楚遂頗左氏穀梁作遂罷字

冬叔弓如楚

齊侯伐北燕

七年春王正月暨齊平注書者善錄內也不出主名者

君相與平國中皆安故以舉國體言之月者刺內暨暨

也時魯方結婚于吳外慕強楚故不汲汲于齊音義暨其

器疏注解云書者善錄內也正以平為善事今而書之反疏故云善錄內也月者刺內暨暨正以定十一年冬

及鄭平則知例書時也今此書月故如此解也隱元年傳云及猶汲汲暨暨也及我欲之暨不得已然則

暨暨是不獲已然後為之平是善事而不汲汲故書月以刺之故云月者刺內暨暨矣下十年冬注云去冬者

蓋昭公娶吳孟子之年故貶之然則十年不書冬者是其方結婚于吳之事其外慕強楚者即上文叔弓如楚下文公如楚之屬是也正以文不言及故云不汲汲于齊矣

三月公如楚

叔孫舍如齊莅盟晉義

叔孫舍二傳作姁

夏四月甲辰朔日有食之注是後楚滅陳蔡楚弑其君

虔于乾谿疏

注解云是後楚滅陳蔡即八年冬十月壬午楚師滅陳是也及下十一年十有一月

丁酉楚師滅蔡是也云楚弑其君于乾谿者即下十三年夏四月楚公子比自晉歸于楚弑其君于乾谿是也

秋八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公注當時而日者世子輒有惡疾不早廢之臨死乃命臣下廢之自下廢上鮮不為亂

故危錄之音義

當丁浪反又如字鮮息淺反

疏

注鮮云隱三年傳云當時而日危不得葬

也今此衛侯八月卒至此正五月而經書癸亥故言危錄之言世子輒有惡疾者即下二十年秋盜殺衛侯之兄輒傳云母兄稱兄何以不立有惡疾也是矣知其不早廢臨死乃命臣下廢之者正以危錄其葬故也其若不然更無危事不知衛侯葬何以書日乎言危錄之者以其有危故錄其日也

八年春陳侯之弟招殺陳世子偃師注說在元年變其

言陳者起招致楚滅陳自此始故重舉國音義

重直用反年末

同疏

注解云說在元年者即元年傳云大夫相殺稱人此其稱名氏以殺何言將自是弑君也今將爾詞

曷為與親弑者同君親無將將而必誅之屬是也春秋之義大夫相殺稱人言其即莊二十二年春陳人殺其公子禦寇下陳人殺其大夫公子過文九年晉人殺其大夫先都之屬今變兩下之例言殺陳世子者起招致楚滅陳自此始是以重舉陳矣

夏四月辛丑陳侯溺卒音義

溺乃狄反

叔弓如晉

楚人執陳行人于徵師殺之

陳公子留出奔鄭

秋蒐于紅音義

蒐所苗反本亦作廋

傳蒐者何疏

解云正以常事不書今此見經故執不知問

簡車徒也注徒

衆何以書蓋以罕書也注說在桓六年疏

注解云桓六年秋八

月壬午大閱傳云大閱者何簡車徒也何以書蓋以罕書也注云罕希也孔子曰以不教民戰是謂棄之故比年簡徒謂之蒐三年簡車謂之大閱五年大簡車徒謂之大蒐存不忘亡安不忘危不地者常地也蒐例時此日者桓既無文德又忽忘武備故尤危錄然則為蒐之法比年作之今此不然故云以罕書

陳人殺其大夫公子過音義

過音戈

大雩注先是公如楚半年乃歸費多賦重所致音義

芳費

味疏注解云即去年三月公如楚九月公至自楚是也

冬十月壬午楚師滅陳執陳公子招放之于越殺陳孔

瑗疏

解云殺陳孔瑗左傳殺梁作奐

葬陳哀公注日者疾詐諉滅人也不舉滅為重複書三

事言執者疾諉託義故列見之託義不先書者本懷滅

心重舉陳者上已言滅不復重舉無以明音義

諉況元反復書

扶又反下同 見賢徧反

疏

注解云春秋之義滅例書月即莊十年冬十月齊師滅譚十三年夏六月齊人

滅遂之屬是也上四年秋七月楚子滅厲之下注云莊王滅蕭日此不日者靈王非賢責之略是以還依常例書月矣今而日者疾詐譏滅人故也春秋之義舉滅為重是以襄六年齊侯滅萊之下何氏云不書殺萊君者舉國滅為重是也今不舉滅為重故須辨之言復書三事言執者謂復書三事又言執者以疾其詐譏託義故須列而見之三事放招殺瑗葬哀公是宣十一年冬十月楚人殺陳夏徵舒丁亥楚子入陳然則彼乃楚子行義先書其殺今此楚子亦是託義討賊書在滅後者見本懷滅心故也成二年秋七月齊侯使國佐如師已酉及國佐盟于袤婁不重舉齊此重舉陳者上已言楚師滅陳若不復舉陳無以明其是陳人矣

九年春叔弓會楚子于陳注陳已滅復見者從地名錄

猶宋部以邑錄不舉小地者顧後當存音義

復見扶又反下同下

賢徧疏注解云部者是文王之子春秋前宋人滅之至反隱十年夏六月壬戌公敗宋師于管辛未取郕

辛巳取防是也云不舉小地顧後當存者言陳是總號當是會時未必在其國都所以不舉小地而舉陳者正以楚人暴滅春秋欲閔陳而存之故還舉其大號而言也其存陳者即下經夏四月陳火是也

許遷于夷

夏四月陳火疏

解云陳火左氏作災字穀梁與此同

傳陳已滅矣其言陳火何注据災異為有國者戒疏

解云所以不言外災不書此何以書之義者正以解言存陳故書其火則外災得書之義亦見矣存

陳也注陳已滅復火者死灰復燃之象也此天意欲

存之故從有國記災疏

注解云即考異郵云陳火之類未當誅絕天曉其君死灰

更燃之意是也

曰存陳悌矣注書火存陳者若曰陳為天所

存悲之音義

悌音希悲也

疏

解云悌謂悲也公羊子曰陳為天所存者天悲痛之故也

曷為存陳注据災非一天意曷為悲陳而存之疏

注解

云弟子之意以為春秋之內書災者非止一處滅人而已矣意曷為正於此災之上悲陳而存之乎

之國執人之罪人注罪人招也殺人之賊注孔瑗弑

君賊也葬人之君若是則陳存悌矣注楚為無道託

討賊行義陳臣子辟門虛心待之而滅其國若是則
天存之者悲之也不書孔瑗弑君者本為招弑當舉
招為重方不與楚討賊故沒招正賊文以將與上貶
起之月者閔之音義辟婢亦反開也本為于偽反疏注解云案如上文則孔瑗
與招本謀弑君而責其弑文者正以君親無將將而
必誅故言當舉招為重言故沒招正賊文者謂不於
討處貶招見其有弑君之罪矣言以將與上貶起之
者上貶謂元年稱公子傳云此陳侯之弟招何以不
稱弟貶是也云月者閔之者正以外災例時即
襄元年春宋火之屬是今而書月故言閔之

秋仲孫矍如齊音義

矍俱縛反又居碧反

冬築郎圃音義

又圃音

十年春王正月

夏晉欒施來奔音義

晉欒施左氏作齊欒施

秋七月季孫隱如叔弓仲孫貜帥師伐莒音義

隱如左氏作意

如

戊子晉侯彪卒音義

彪彼虬反

九月叔孫舍如晉

葬晉平公

十有二月甲子宋公戌卒注去冬者蓋昭公取吳孟子

之年故貶之音義

宋戌讀左傳者音成何云向戌疏注與君同名則宜音恤去起呂反

云正以禮記論語皆有昭公取于吳謂之吳孟子之文但不指其取之年歲今無冬更無佗罪可指是以何氏以意當之以無正文故言蓋也取吳孟子所以不書者諱取同姓故也賈服以為刺不登臺視氣范氏以為不書冬甯所未詳

十有一年春王正月叔弓如宋

葬宋平公

夏四月丁巳楚子虔誘蔡侯般殺之于申

傳楚子虔何以名注据誘戎曼子不名音義
曼音疏

注解云即昭十六年春楚子誘戎曼子殺之是也絕曷為絕之注据俱誘之

為其誘討也注使不自知而死故加誘音義
偽為于疏

注解云即左氏傳云醉而殺之是也此討賊也注蔡侯般弑父而立疏

注解云即襄三十年夏四月蔡世子般弑其君固是也雖誘之則曷為絕之注

据與莊王外討晉文譎尊音義譎古疏
注解云莊王

十一年冬十月楚人殺陳夏徵舒傳云此楚子也其稱人何貶曷為貶不與外討也曷為不與實與而文不與文曷為不與諸侯之義不得專討也諸侯之義不得專討則其曰實與之何上無天子下無方伯天

下諸侯有為無道者臣弑君子殺父力能討之則討之可也者是其實與莊王外討之文也云晉文譎尊者即僖二十八年五月癸丑公會晉侯以下盟于踐土公朝于王所傳云曷為不言公如京師天子在是也曷為不言天子在是不與致天子也注云時晉文公年老恐霸功不成故上白天子曰諸侯不可卒致願王居踐土下謂諸侯曰天子在是不可不朝迫使正君臣明王法雖非正起時可與故書朝因正其義所以見文公懷惡而討不義君子不予也注內懷利之功是也

國之心而外託討賊故不與其討賊而責其誘詐也

地者起以好會誘之音義

好呼報反疏注解云正以昭十六年楚子誘我曼

子殺之不書地今言于申故解之

楚公子棄疾帥師圍蔡

五月甲申夫人歸氏薨

大蒐于比蒲音義

毗比音

傳大蒐者何疏

解云欲言常事而經加大欲言非常事蒐是常獵之名故執不知問

車徒也何以書蓋以罕書也注說在桓六年疏

注解云即

桓六年秋八月壬午大閱傳云大閱者何簡車徒何以書蓋以罕書也注云罕希也孔子曰以不教民戰是謂棄之故比年簡徒謂之蒐三年簡車謂之大閱五年大簡車徒謂之大蒐存不忘亡安不忘危然則大蒐之法五年一為今此不然故曰以罕書也上八年蒐于紅之下何氏云說在桓六年今復指之者正

以蒐與大蒐希數實異禮亦不同是以不得相因各指其所在

仲孫貜會邾婁子盟于侵羊注不日者蓋諱喪盟使若

議結善事音義

侵羊二傳作侵祥

疏

解云侵羊穀梁傳作侵祥字服氏注引者直作詳無

侵字皆是所見異也注解云上文五月夫人歸氏薨君居喪居喪而與人盟至十三年秋平丘之會邾婁子與晉為議不容公盟而執季孫理宜書日見其不信而不書日者正以身居大喪而不以為憂是內惡可諱之限故為信辭使若此盟方欲議論結其善事然

秋季孫隱如會晉韓起齊國酌宋華亥衛北宮佗鄭軒

虎曹人杞人于屈銀音義

佗大河反屈銀並如字二傳作厥慙疏解云齊國酌者

賈氏作酌字與此同服氏及穀梁皆作齊國弱字也屈銀左氏穀梁作厥慙字

九月己亥葬我小君齊歸

傳齊歸者何疏

解云欲言夫人初至不錄欲言其妾薨葬具書故執不知問

昭公

之母也注歸氏胡女襄公嫡夫人音義

嫡丁疏注解歷反云皆

史記文而初至不書者蓋為世子時娶之然則沙隨之會襄公始生而成公之世已娶夫人者案公羊上下竟無幼少之文則何氏不信左氏故也

冬十有一月丁酉楚師滅蔡執蔡世子有以歸用之

傳此未踰年之君也其稱世子何注据陳子也疏

解注

云即僖二十八年冬公會晉侯齊侯宋公蔡侯鄭伯陳子以下于溫是也

不君靈公不成

其子也注靈公即般也不君不與靈公坐弑父誅不

得為君也不成其子不成有得稱子繼父也上不與

楚誘討嫌有不當絕故正之云耳疏

解云靈公弑父而立弑父之人

人倫所不容今而見誅正是其宜是以春秋不與靈公為君也故曰不君靈公也莊三十二年傳云君存稱世子君薨稱子某既葬稱子踰年稱公然則稱子者嗣君之稱春秋之義既不與靈公得為成君故亦不成其子有得為嗣君以繼其父故曰不成其子也注靈公至誅者解云即襄三十年夏四月蔡世子般弑其君固上四月楚子虔誘蔡侯般殺之于申是也云上不與楚誘討者即上傳云曷為絕之為其誘討

也此討賊也雖誘之則曷為絕之
懷惡而討不義故君子不與是
不君靈公則曷為

不成其子注据惡惡正其身誅君之子不立注雖不

與楚誘討其惡坐弑父誅當以誅君論之故云爾言

執者時楚託義滅之疏

注解云若不君靈公而以誅君論之何故上四年申之會

及伐吳之經上文楚子誘殺之時皆稱其爵者凡貶
刺之例正可于一事之上足見其惡而已寧可文文
皆貶似若莊四年冬公及齊人狩于郕傳云前此者
有事矣後此者有事矣則曷為獨于此譏擇其重者
而譏焉莫重乎其與讎狩也其餘從同是也春秋之
義舉滅國以為重其餘輕者皆從略是以襄六年注
云不書殺萊君者舉滅國為重是今并書其執者正
以楚人託義滅之故見其義也似若上八年注云不

舉滅為重複書三事言執者疾諼託義故列見之是也楚既託義執用蔡之世子以滅其國當先書其餘似若宣十一年冬十月楚人殺陳夏徵舒丁亥楚子入陳然今乃先書滅蔡者起其本懷滅心故也是以八年注云託義不先書者本懷滅心故是也

非怒也無繼也注父誅子當

絕疏

解云莊四年傳云今紀無罪此非怒與何氏云怒遷怒齊人語此非怒其先祖遷之于子孫與

然則齊人謂遷怒為怒也言今不成有為子者非由惡其父遷怒其子孫但由靈公大逆理無繼嗣矣是以注父誅子當絕也其非字有作悲字者誤也

惡乎用之用之防也其用之

防奈何蓋以築防也注持其足以頭築防惡不以道

孔子曰人而不仁疾之已甚亂也日者疾諼滅人音

義

惡乎音烏惡不鳥路反

疏

注解云日者疾譏滅入正以凡滅例月即莊十年冬十月齊師滅譚

上四年秋七月遂滅厲之屬是也今而書月者疾作譏故也

十有二年春齊高偃帥師納北燕伯于陽

傳伯于陽者何注即納上伯款非犯父命不當言于

陽又微國出入不兩書伯不當再出故斷三字問之

音義

斷丁管反又丁亂反

疏

注解云納上伯款者即上三年冬北燕伯款出奔齊是也其犯父命

而見納言于邑者即哀二年夏晉趙鞅帥師納衛世子蒯賧于戚傳云戚者何衛之邑也曷為不言入于衛父有子子不得有父也注云明其父得有子而廢之子不得有父之所有故奪其國文正其義也者是

也然則今此納北燕伯于陽若是納上伯款即非犯父之命者正以出奔稱伯不似蒯賾稱世子故也是以何氏于款之上連伯言之見非犯父之命云又微國出入不兩書者僖二十五年秋楚人圍陳納頃子于頃何以不言遂兩之也注云頃子出奔不書者小國例也是也

公子陽生也子曰

我乃知之矣注子謂孔子乃乃是歲也時孔子年二

十三具知其事後作春秋案史記知公誤為伯子誤

為于陽在生刊減闕音義

刊苦干反

在側者曰子苟知之

何以不革曰如爾所不知何注如猶奈也猶曰奈女所不知何寧可強更之乎此夫子欲為後人法不欲

令人妄億錯子絕四毋意毋必毋固毋我音義

汝強

其丈反令力呈反下令楚同億於力

疏

注解云孔子

反錯七故反或七各反字或作措

云當是歲時

我已年立具見其事奈汝在側之徒不見之何故曰

奈汝所不知何也孔子雖知伯于陽者是公子陽生

但在側之徒皆不委曲若改之謂已苟出心肺故曰

寧可強更之乎莊七年星實如雨之下傳云不修春

秋曰雨星不及地尺而復君子修之曰星實如雨何

氏云明其狀似雨耳不當言雨星不言尺者實則為

異不以尺寸錄之然孔子修春秋大有改之處而特

此文不改之者欲示後人重其舊事似劉公即君與

為不上禮之類也故曰夫子欲為後人法不欲人妄

億措也億措者億謂有所假度措者置也置意於言

也不欲令人妄假度不欲令人妄置意於言矣若假

度而中之者無傷即柴也其來乎由也其死矣之類

是也若億措而妄者正得學者不思之義也則學而不思則罔之類是也云子絕四者備於鄭注引之者欲道無事億措乃孔子所絕是以修春秋而有其義矣

春秋之信史也其序則

齊桓晉文注惟齊桓晉文會能以德優劣國大小相

次序疏

注解云謂其盛時事也及其衰末亦不醇粹是以僖十三年鹹之會許男序于曹伯之上

而何氏於僖四年許男新臣卒葬許穆公之下注云得卒葬于所傳聞世者許大小次曹故卒少在曹後者是鹹之會當桓末年許其會則主會者為之也注在曹上非其次序之事也

非齊桓晉文則如主會者為之雖優劣大小相越不改更信史也其詞則丘有罪焉爾注丘孔子名其貶

絕譏刺之辭有所失者是丘之罪聖人德盛尚謙故
自名爾主書者惡納篡也不書所篡出奔者微國雖
未踰年君猶不錄不足陽下言于北燕者史文也北

燕本在上從史文也音義

惡納鳥路反

疏

注解云即春秋說云孔子作春

秋一萬八千字九月而書成以授游夏之徒游夏之
徒不能改一字是也云主書者惡納篡也者正以春
秋之義立納入皆為篡辭且上有伯款出奔齊之文
知今納宜是篡人也○正以上三年之末伯款出奔
遙歷十許年計應有君矣陽生篡之宜書其出今不
書者微國之君被篡而出走者皆略而不書之假令
非被篡但是微國未踰年之君卒猶不書况乎被篡
出奔寧不略之乎何氏所以必將未踰年君約之者

正以所見之世微國成君之出例皆錄之故也即伯
款之徒是也○若足其文宜云齊高偃帥師納北燕
公子陽生于北燕今陽生之下不言北燕者正以史
之本文陽生之上有北燕字因而從之不及改順文
三月壬申鄭伯嘉卒

夏宋公使華定來聘

公如晉至河乃復

五月葬鄭簡公

楚殺其大夫成然音義成然左氏作成熊穀梁作成虔字

秋七月

冬十月公子整出奔齊音義

整之碩反或作慙魚覲反

楚子伐徐

晉伐鮮虞注謂之晉者中國以無義故為夷狄所強今

楚行詐滅陳蔡諸夏懼然去而與晉會于屈銀不因以

大綏諸侯先之以博愛而先伐同姓從親親起欲以立

威行霸故狄之疏

注解云諸夏之稱連國稱爵今單言晉作夷狄之號故須解之言中國無

義故為夷狄所彊者即襄七年鄭伯髡原之下傳云曷為不言其大夫弑之為中國諱也曷為為中國諱鄭伯將會諸侯于鄒其大夫諫曰中國不足歸也則不若與楚鄭伯不可其大夫曰以中國為義即伐我喪以中國

為強則不若楚於是弑之何氏云禍由中國無義故深
諱使若自卒之屬是中國無義之文也言遂為夷狄所
彊也者即四年夏楚子以下會于申執齊慶封殺之之
屬是也云今楚行詐滅陳蔡者即昭八年滅陳十一年
滅蔡是也今楚行詐者即托義討招瑗托義討蔡般是
也言諸夏懼然去而與晉會于屈銀者即上十一年秋
季孫隱如會晉韓起以下于屈銀是也
言先伐同姓者正以鮮虞姬姓故也

春秋公羊傳注疏卷二十二

春秋公羊傳卷二十二考證

叔孫豹會潏䟽知向戌石惡皆與君同名也○石惡監本作齊惡考左氏穀梁經作齊惡公羊經自作石惡今改正

傳此陳侯之弟招也何以不稱弟貶曷為貶為殺世子偃師貶○劉敞曰傳以母弟稱弟故云爾不知母弟可以稱弟而不可以常稱也且招之罪在殺世子偃師不在會號聖人褒貶各於其事豈有逆其未然之

事探其將然之罪以為貶哉

取運傳內之邑也○臣召南按鄆邑有二一在西界昭

公居鄆是也一在東界與莒相接先儒謂是莒之附庸魯時時與莒爭襄十二年季孫宿救台遂入鄆與此取鄆是也公羊於後文叔弓帥師疆運田亦曰與莒為境

秦伯之弟鍼出奔晉傳有千乘之國疏正以此伯故也

○臣浩按閣本作正以稱伯故也疑監本於此字下

脫稱字閣本於稱字上脫此字

葬滕成公注明公當自行不當遣大夫○臣召南按諸侯於隣國未有親行送葬之禮滕子之會葬襄公明是非禮何得以此譏魯君乎魯於齊桓晉文皆未親會其葬何況諸國何休之言未足為定論也

秋七月楚子伐吳執齊慶封殺之傳慶封之罪何注稱

侯而執者伯討也月者善義兵○臣召南按楚靈王

以賊殺賊不成伯討而經書以伯討之文何也其義

見於繁露繁露云楚莊王殺陳夏徵舒春秋貶其文
不予專討靈王殺齊慶封直稱楚子何也曰莊王之
行賢而徵舒之罪重以賢君討重罪若不貶孰知其
非正經春秋常於其嫌得者見其不得也是故齊桓
不予專封晉文不予致王也今諸侯不得專討固已
明矣而慶封之罪未有所見也故稱楚子以伯討之
著其罪之宜死以為天下大禁曰人臣貶主之位亂
國之臣雖不篡殺其罪皆宜死也

舍中軍傳復古也○臣浩按果是復古則為國以禮公室不致卑弱私家不致強盛矣豈知作三軍與舍中軍皆季孫宿專擅之奸謀深計乎故凡春秋事實莫詳於左氏公穀二家皆据文意測云爾

又疏正以魯為州故正合二軍○臣召南按以文義推之公羊家謂方伯三軍州牧二軍則此疏當作正以魯為州牧合二軍也牧故字形相近而訛耳因各本皆同存說於此

叔弓帥師敗莒師于濇泉傳涌泉也○劉敞曰此地名耳豈謂戰而泉涌乎

秦伯卒傳何以不名匿嫡之名也○臣召南按匿嫡之名此必無之事也春秋中諸侯之卒失其名者多矣宿男滕子豈亦匿嫡之名乎

杞伯益姑卒疏上城杞已貶者○各本俱脫杞字今据注文添補

秋九月大雩注有豫賦歛之煩也○各本俱脫歛字今

據音義添補

秋蒐于紅傳何以書蓋以罕書也○臣宗楷按左傳疏注劉賈穎云蒐于紅不言大者言公大失權在三家也十一年蒐於比蒲經書大蒐復云書大者言大衆盡在三家隨文造意以非例為例不復知其自違也陸鉉翁高閎皆本此以言三家挾兵脇上車徒日衆釋經甚當公羊皆謂以罕而書陋矣

陳火傳存陳也注此天意欲存之○劉敞曰此自聖人

欽定四庫全書

春秋公羊傳
卷二十二考證

四

欲存之故錄耳安知天意乎

十有二月甲子宋公戌卒注去冬者蓋昭公取吳孟子之年故貶之○臣召南按何休求去冬之義而不得遂以取吳孟子實之夫取同姓與去冬有何相涉范甯解穀梁直云未詳何其慎也

葬我小君齊歸注歸氏襄公嫡夫人疏史記文○臣召

南按魯世家但云魯人立齊歸之子稠為君是為昭公不云齊歸襄公嫡夫人也且其上文書太子卒下

文引穆叔言稠非嫡嗣則齊歸為襄公妾明矣又按疏云初至不書者蓋為世子時娶之尤為舛謬襄公初立時年才三歲九年始冠左傳史記符合自古豈有孩提而婚娶者乎且公羊於成公十六年尚云君幼疏又以襄公為世子時娶齊歸皆妄說耳

齊高偃帥師納北燕伯于陽傳公子陽生也子曰我乃知之矣在側者曰子苟知之何以不革曰如爾所不知何○劉敞曰傳非也百二十國實書豈皆如此殘

欽定四庫全書

春秋公羊傳
卷二十二考證

五

闕乎何為不革其所云云皆誣聖人也

傳在側者曰疏似劉公即君與為不上禮之類也○此句難解疑有脫誤但各本並同

春秋公羊傳卷二十二考證

東漢書
金華書
卷一百一十五

覆校官編修臣蕭際韶

校對官檢討臣王鍾健

謄錄監生臣葉椿

欽定四庫全書薈要

經部

公羊注疏卷二十三

四

詳校官原任侍講臣王燕緒



欽定四庫全書薈要卷一千二百二十七

經部

春秋公羊傳注疏卷二十三

起昭公十三年
盡二十二年

漢何休學

唐陸德明音義

十有三年春叔弓帥師圍費音義

費音
秘

夏四月楚公子比自晉歸于楚弑其君虔于乾谿音義

谿苦
兮反

傳此弑其君其言歸何注据齊陽生入惡不言歸疏

解云正以歸者出入無惡之文今君弑而言歸故難
之注解云即哀六年秋七月齊陽生入于齊是也其

陽生入惡者先詐致諸大夫立歸無惡於弑立也疏
於陳乞之家自是往弑舍是也

解云弑謂度也言所以書其歸無惡於弑立者何疏
歸者正於弑度之時比無惡

解云正据經書弑其君靈王為無道作乾谿之臺三
度曷為言無惡故問之

年不成楚公子棄疾脅比而立之然後令于乾谿之

役曰比已立矣後歸者不得復其田里衆罷而去之

靈王經而死音義

罷音皮

注時棄疾詐告比得晉力可

以歸至而脅立之比之義宜效死不立而立君因自

經故加弑也言歸者謂其本無弑君而立之意加弑

責之爾不日者惡靈王無道封內地者起禍所由因

以為戒音義

惡鳥路反

疏

解云經者謂懸縊而死也若申生雉經及論語云豈若匹夫匹

婦之為諒也自經於溝瀆者是也故何氏云君因自經注解云正以經書自晉故得為有力之義故如此解云比之義宜效死不立者下傳文云言歸者明其本無弑君而立之意加弑責之爾者桓十五年傳曰歸者出入無惡故云本無弑君而立之意言加弑責之者謂責其不效死而立矣云不日者惡靈王無道者正以宣二年秋七月乙丑晉趙盾弑其君夷獬四年夏六月乙酉鄭公子歸生弑其君夷則春秋之義不問加弑與否例皆書日今而不日故解之云封內地者起禍所由因為戒者正以下二十五年宋公佐卒于曲棘傳云曲棘者何宋之邑諸侯卒其封內不地此何以地憂內也注云時宋公聞昭公見遂欲憂

納之至曲棘而卒故恩錄之然則諸侯卒其封內例
不地今此靈王見弑乾谿之由是以書地以起之故
曰起禍所由
因以為戒也

楚公子棄疾弑公子比

傳比已立矣其稱公子何注据齊公子商人弑其君

舍疏

注解云在文十四年九月彼傳云此未踰年之
君也其言弑其君舍何已立之已殺之成死者

而賤生者也注云惡商人懷詐無道故成舍之君號
以賤商人之所為然則彼未踰年君而見弑稱成君
今此亦為未踰年君見弑稱公子故据而難之所以
不据僖九年晉里克弑其君之子奚齊者正以取成
君之號以難公子義強
其意不當也注据上傳知其
于君之子之文故也

脅疏

注解云即上傳云楚公子棄疾脅比而立之是也

其意不當則曷為加

弑焉爾注据王子朝不貶音義

朝如字

疏

注解云即二十三年秋尹

氏立王子朝注云貶言尹氏者著世卿之權尹氏貶子朝不貶者年未滿十歲未知欲富貴不當坐明罪在尹氏然則子朝之意與比相似子朝不貶而比加弑故難之比之義宜乎效死不

立疏

解云即守死善道若王子閭之類也

大夫相殺稱人此其稱名氏

以弑何注据經言弑公子比也疏

解云大夫相殺稱人即文十六年冬

宋人弑其君處曰之下傳云大夫弑君稱名氏賤者窮諸人注云賤者謂士也士正自當稱人大夫相殺稱人賤者窮諸盜注云降大夫使稱人降士使稱盜者所以別死刑有輕重也然則文十六年師有成解

故此弟子取而難之注解云經言弑公子比即是言
兩下相殺之文而稱棄疾名氏是以據而難之

將自是為君也注故使與弑君而立者同文也不言

其者比實已立嫌觸實公子棄疾即楚子居也疏解云

謂棄疾從是殺比之後遂代比為君矣注解云同文也即文十四年秋九月齊公子商人弑其君舍是也
莊二十二年春陳人殺其公子禦寇注云書者殺君之子重也下十四年冬莒殺其公子意恢然則彼一
公子見殺言其今公子比實已立訖若言殺其公子比則嫌觸彼二公子文故曰嫌觸實公子云棄疾即
楚子居也者即下二十六年秋楚子居卒是也

秋公會劉子晉侯齊侯宋公衛侯鄭伯曹伯莒子邾婁

子滕子薛伯杞伯小邾婁子于平丘八月甲戌同盟于

平丘注不舉重者起諸侯欲討棄疾故詳錄之不言劉

子及諸侯者間無異事可知矣疏

注解云文十四年六月公會宋公以下同

盟于新城然則彼亦是二事舉盟為重不言會于某今
會盟並舉故湏解之故云諸侯欲討棄疾以上有棄疾
弑君之事下傳有諸侯遂亂之言故知於間詳錄此會
欲討之矣春秋之義會盟咸有而間隔事者則重言諸
侯即定公四年三月公會劉子晉侯以下于召陵侵楚
夏四月蔡公孫歸姓帥師滅沈以沈子嘉歸殺之五月
公及諸侯盟于浩油然則彼由間有隔事劉子不與盟
是以重出諸侯今則間無隔事劉子復與盟是以不勞
重出劉子及諸侯見其可知矣

公不與盟音義

與音預注二不肯與及下文不與焉注公不與

不宜與
皆同
晉人執季孫隱如以歸公至自會

傳公不與盟者何疏

解云正以盟會詳錄即為善事而公不與盟於義似違故執不

知問公不見與盟也注時晉主會疑公如楚不肯與公

盟故諱使若公自不肯與盟疏

注解云須言時晉主會者正以此會劉子

在其間故須辯之知非劉子主會者正以當時天子微弱故也知疑公如楚不肯與公盟者正以上七年三月公如楚九月公至自楚之文十一年公如晉至河乃復是其見疑不得入晉故也公不見

與盟大夫執何以致會注据得意乃致會疏

注解云即莊六

年注云公與二國以上出會盟得意致會不得意不致今此平丘之經亦是公與二國以上出會盟之事

故言据得意乃致會也若欲伯事言之即哀十三不
年夏公會晉侯及吳子于黃池公至自會是也

恥也曷為不恥注据扈之會公失序恥之疏

注即文七

年秋八月公會諸侯晉大夫盟于扈傳云諸侯何以
不序大夫何以不名公失序也公失序奈何諸侯不
可使與公盟眡晉大夫使與公盟也何氏云為諸
侯所薄賤不見序故深諱為不可知之辭是也諸

侯遂亂反陳蔡君子不恥不與焉注時諸侯將征棄

疾棄疾乃封陳蔡之君使說諸侯諸侯從陳蔡之君
言還反不復討楚楚亂遂成故云爾公不與盟不書
成楚亂者時不受賂也諸侯實不與公盟而言公不

與盟者遂亂雖見與公猶不宜與也故因為公張義

音義

復扶又反為公于偽反

疏

注棄疾封陳蔡之君解云即下文是也○公不至賂也解云春

秋之義諱內惡故隱五年春公觀魚于棠傳云何以書譏何譏爾遠也何氏云實譏張魚而言觀譏遠者恥公去南面之位下與百姓爭利匹夫無異故諱使若以遠觀為譏也然則公若與盟即成楚亂便是內惡例諱不書今公不與盟不書楚亂者正以時不受賂是以不得書其成亂矣桓二年春公會齊侯陳侯鄭伯于稷以成宋亂夏四月取郕大鼎于宋戊申納于大廟傳云何以書譏何譏爾遂亂受賂納于大廟非禮也然則彼以受賂之故書其成宋亂今不受賂是以不書成楚亂決之春秋之義為內諱大惡而桓公受賂而成宋亂不為之諱者彼注云宋公馮與督共弑君而立諸侯會于稷欲共誅之受賂便還令宋

亂遂成桓公本亦弑隱而立君子疾同類相養小人
同惡相長故賤不為諱也者是也○諸侯至張義解
云上注云故諱使若公自不肯與之盟今又言此者
正以諸侯遂亂是以魯侯不肯與之盟然則上下二
注彌縫為義非別解云因為公張義者謂書公不與
盟者非直為國諱因見諸侯遂亂大惡公亦不宜與
故言因公
為張義也

蔡侯廬歸于蔡陳侯吳歸于陳音義

廬力吳反

傳此皆滅國也其言歸何注据歸者有國辭疏

注解云即

僖三十年秋衛侯鄭歸于衛之屬是也

不與諸侯專封也注故使若有

國自歸者也名者專受其封當誅書者因以起楚封

之所以能起之者上有存陳文陳見滅無君無所責
又蔡本以篡見殺但不成其子不絕其國即諸侯存

之當有文實也疏

解云宜言不與楚專封而云不與諸侯專封者宣十一年傳云此楚

子也其稱人何諸侯之義不得專討也是楚得言諸侯之義矣而舊云楚子初無封陳蔡之意但畏諸侯之誅遂許封陳蔡之子孫陳蔡為之請于諸侯諸侯止不伐楚楚乃封陳蔡然則陳蔡得封本由諸侯故傳言諸侯以明之也無疑焉注名者至當誅解云諸侯之式不合生名今陳蔡之君既以稱爵而書名者正以諸侯之封宜受于天子而受國于楚故名之見當誅討不合為諸侯矣○書者至實也解云言主書此事者非直惡陳蔡之君不受天子之命亦因以起楚封之所以能起楚之封者正以上九年夏四月陳

火傳云陳已滅矣其言陳火何存陳也注云陳已滅復火者死灰復燃之象也此天意欲存之故從有國記災故曰上有存陳文也言陳見滅無君無所責者正以陳國已滅無君可責而火之者天意作死灰復燃之象見陳國合存之意言蔡本以篡見殺者即襄三十年夏四月蔡世子般弑其君固至上十一年夏四月丁巳楚子虔誘蔡侯般殺之于申是也言但不成其子者即上十一年冬十有一月楚師滅蔡執蔡世子有以歸用之傳云未踰年之君其稱世子何不君靈公不成其子是也子者嗣君之稱謂不成其子有得稱嗣君以繼其父矣言不絕其國者正以書滅是也何者僖五年晉人執虞公之下傳云虞已滅矣其言執之何不與滅也曷為不與滅滅者亡國之善辭注云言王者起當存之故為善辭也傳云滅者上下同力者也注云言滅者臣子與君戮力一心共死之辭是也然則何氏言此者欲道陳蔡皆舊有國二

君之子復先在楚楚人封之因遂反國故得言歸非謂上會諸侯殫地封之若是上會諸侯殫地封之當如救邢城楚丘之屬傳亦有文實之文若作文實之文宜云城陳蔡傳云孰城之諸侯城之曷為不言諸侯城之不與諸侯專封曷為不與實與而文不與文曷為不與諸侯之義不得專封諸侯之義不得專封則其曰實與之何上無天子下無方伯天下諸侯有相滅亡者力能存之則存之可也

冬十月葬蔡靈公注書葬者經不與楚討嫌本可責復

讎故書葬明當從誅君論之不得責臣子疏

注解云隱十一年傳

云然則何以不書葬春秋君弑賊不討不書葬以為無臣子也然則靈公上十一年為楚誘殺未見復讎之文而書其葬者正以上十一年經不與楚討若不書其葬即嫌可以責蔡臣子無復讎之義是以書葬靈公本弑

父而立當從誅君論之不得責臣子復讎於楚矣言經
不與楚討者即上十一年傳云楚子虔何以不名絕也
蜀為絕之為其誘討也此討賊雖誘之蜀
為絕之懷惡而討不義君子不與是也

公如晉至河乃復

吳滅州來注不日者畧兩夷疏

注解云上四年秋七月遂滅厲注云莊王滅蕭

日此不日者靈王非賢責之畧然則吳子夷昧兄弟共謀讓位季子即為賢者而反滅人宜亦書日以責之不日者正以兩夷相滅故畧之考諸舊本日亦有作月字者若作月字當云春秋上下滅例書月即莊十年冬十月齊師滅譚十三年夏六月齊人滅遂之屬是今此不月畧兩夷故也是以下三十年十二月吳滅徐之下注云至此乃月者所見世始錄夷狄滅小國也不從上州來巢見義者因有出奔可責是也以此言之則知此

文無月明矣文承十月之下而言無月者謂不在十月內也然則為日字者誤云云之說在三十年

十有四年春隱如至自晉

三月曹伯滕卒

夏四月

秋葬曹武公

八月莒子去疾卒音義

去起呂反

注入昭公卒不日不書葬

者本纂故因不序疏

注解云春秋之義所傳聞之世畧於小國不書其卒至所聞之世乃

始書之即文十三年邾婁子遽篠卒之徒是也至所見之世文致大平書小國而錄之卒月葬時即下二十八

年秋七月癸巳滕子甯卒冬葬滕悼公之屬是也今此
莒君入昭公所見之世宜令卒日葬時而不卒日復不
書其葬者正由其本是篡人故因畧之不序其卒日亦
不序其葬矣其本篡者即上元年秋莒去疾自齊入于
莒是也然則春秋之義篡明者例書其葬即衛晉鄭突
齊小白陽生之徒是今此去疾於上元年秋亦有自齊
入于莒之文即是篡明例合書葬但以本篡故因不序
然則入昭公所見之世小國之卒例合書日而上三月
曹伯滕卒亦不日者莊二十三年冬十一月曹伯射姑
卒之下何氏云曹伯達於春秋當卒月葬時也如卒日
葬月嫌與大國同故復卒不日入所聞世可日不復日
然則曹伯終生於桓十年時以春秋敬老重恩之故而
得卒日葬月以為太平是以入所見之世雖例
可日亦不復日是故上文上曹伯不書日矣

冬莒殺其公子意恢音義

恢苦反

莒無大夫書殺公子者

未踰年而殺其君之子不孝尤甚故重而錄之稱氏者

明君之子疏

注解云莒無大夫莊二十七年傳文小國大夫假令得見皆不書氏即莒慶之徒是

也今兼書公子者欲明其是君之子故也若言莒殺意恢無以明嗣子不孝

十有五年春王正月吳子夷昧卒音義

昧音末本亦作末

二月癸酉有事于武宮籥入叔弓卒去樂卒事音義

籥羊

畧反去起呂反注去籥及下文去樂同

傳其言去樂卒事何注据入者言萬去籥言名不言

卒事疏

注解云即宣八年夏六月辛巳有事于大廟仲遂卒于垂壬午猶繹萬入去籥是也然則

彼乃入者言萬此則入者言禩彼則去禩言名此則漫言去樂而已彼又不言卒事與此異是故弟子据而難禮也注以加錄卒事即非禮但當言去樂而已

若去禩矣總言樂者明悉去也君有事于廟聞大夫之喪去樂注恩痛不忍舉卒事注畢竟祭事大夫聞君之喪攝主而往注主謂已主祭者臣聞君之喪義不可以不即行故使兄弟若宗人攝行主事而往不廢祭者古禮也古有分土無分民大夫不世已父未必為今君臣也孝經曰資于事父以事君而敬同疏

注解云主謂己主祭者謂己於廟內主其祭事者矣
云古有分土無分民知如此者正以詩云誓將去汝
適彼樂土論語云四方之民襁負其子而至矣之言
故也云大夫不世者謂凡平大夫也不得以有功德
大夫難之何氏之意以資為取言取事父之道以事
君所以得然者而敬同故也以此言之則何氏解孝
經與鄭稱同與康成異大夫聞大夫之喪尸事畢而
矣云云之說在孝經疏

往注賓尸事畢而往也日者為卒日音義

偽為于疏注

尸至往也解云正以禮大夫祭謂之賓尸故也云日
者為卒日者正以春秋之義失禮鬼神例日今非失

禮知日
為卒

夏蔡昭吳奔鄭音義

昭吳左氏作朝吳

注不言出者始封名言

歸嫌與天子歸有罪同故奪其有國之辭明專封疏

解云

左氏穀梁皆言朝吳出奔鄭今此作昭吳字又不言出者所見之文異按左氏穀梁皆以朝吳為蔡大夫則知此昭吳亦為蔡大夫矣而舊解以昭吳為蔡侯廬之字者似非何氏之意注解云今此昭吳出奔鄭不言出者正以其君始封之時名書歸即上十三年蔡侯廬歸于蔡是也云嫌與天子歸有罪同者謂書名言歸者乃與天子歸有罪之文近相似故以為嫌何者僖公二十八年夏六月衛侯鄭自楚復歸于衛注云言復歸者刺天子歸有罪矣冬曹伯襄復歸于曹注云曹伯言復歸者天子歸之名者與衛侯鄭同義然則天子歸有罪者書名言歸向上蔡侯廬歸于蔡亦有罪歸故言嫌與天子歸有罪同非謂確然相似言故奪其有國之辭者正以天子之歸有所嫌故奪其昭吳有國之辭不言其出矣云明專封者欲明其蔡侯為楚所專封矣吳既受諸侯

之專封不合有國故不言大夫之出奪其國文以見之

六月丁巳朔日有食之注并十七年食蓋與于大辰

同占疏

注解云謂此文日有食之并十七年夏六月甲戌朔日有食之皆與十七年有星于大辰同

占也其占者則于大辰之下注云是後周分為二天下兩主宋南里以亡是也

秋晉荀吳帥師伐鮮虞

冬公如晉

十有六年春齊侯伐徐

楚子誘戎曼子殺之音義

曼音蠻又音萬二傳作戎蠻哀四年同

傳楚子何以不名注据誘蔡侯名疏

注解云即上十一年夏楚子虔

誘蔡侯般殺之于申是也

夷狄相誘君子不疾也曷為不疾注据

俱誘也若不疾乃疾之也注以為固當常然者乃所

以為惡也顧以無知薄責之戎曼稱子者入昭公見

王道太平百蠻貢職夷狄皆進至其爵不日者本不

卒不地者畧也音義

見賢疏注解云上四年申之會通反疏伐吳再見淮夷五年冬

越人伐吳一見越人所見之世而不進之者君子因事見義故也何者淮夷與越蓋遣大夫會此是君因可進而進之且昭公之時文致太平實不治定但可張法而已寧可文皆進乎上十一年夏四月丁巳楚

子虔誘蔡侯般殺之于申書其丁巳今亦誘殺而不日者正以戎曼乃是夷狄之內最為微國雖於太平之世亦不合卒是故春秋因畧之不書其日矣云不地者畧也者正以蔡侯誘殺經書于申今此不地故言畧也

夏公至自晉

秋八月己亥晉侯夷卒

九月大雩注先是公數如晉音義數音朔

季孫隱如如晉

冬十月葬晉昭公

十有七年春小邾婁子來朝

夏六月甲戌朔日有食之

秋郊子來朝

八月晉荀吳帥師滅賁渾戎音義

賁渾音六下戶門反

冬有星孛于大辰音義

孛音佩

傳孛者何彗星也注三孛皆發問者或言入或言于

或言方嫌為孛異猶問錄之音義

彗息遂反又囚歲反

疏解云

星名星名未有孛欲言非星錄為星稱故執不知問
注解云言三孛皆發問者即文十四年秋七月有星

字入于北斗傳云字者何彗星也其言入于北斗何
北斗有中何何以書記異也哀十三年冬十有一月
有星字于東方傳云字者何彗星也其言于東方何
見于旦也何以書記異也并此三處皆言字者何故
言三字皆發問也所以三處皆問之者正以文十四
年經言入于北斗此經言于大辰哀十三年經言于
東方三文甚異即嫌為字之不同是以處處猶發問
而詳錄之故云或言入或言于或言方嫌為字異猶
問錄其言于大辰何注据北斗言入于大辰非常名
之

疏

注解云正以此經不言入直言于此據入而難之
云大辰非常名者正以東七宿皆謂之辰故曰大

辰非七宿之常名而
經舉之因以為難也

在大辰也大辰者何疏

解云正以大辰

之名非一而已不知
何者故執不知問

大火也注大火謂心疏

注解云左氏傳

心為大火是也而釋天云柳鶉火者正以柳在南方亦可為出火之候故也不謂心星非大火然則爾雅不言心為大火者文不備也

大火為大辰伐為大辰注伐謂參伐

也大火與伐天所以示民時早晚天下所取正故謂

之大辰辰時也音義

參所林反疏解云即釋天云大火謂

龍宿之心以候四時故曰大辰孫氏郭氏云大火心也在中最明故時候主焉是也注解云正以伐在參傍與參連體而六星故言伐謂參伐伐與參為一候故也

北辰亦為大辰注北辰

北極天之中也常居其所迷惑不知東西者須視北

辰以別心伐所在故加亦亦者兩相須之意音義

別彼

列疏

注解云即釋天云北極謂之北辰李氏云北極

反天心居北方正四時謂之北辰孫氏郭氏曰北

極天之中以正四時謂之北辰是也云天中也者以

天面言之故也然則謂之極者取於居中之義矣而

春秋說云北者高也極者藏也言大一之星高居深

藏故名北極也者與先儒說違其何氏兩解乎云常

居其所者謂常何以書記異也注心者天子明堂布

居紫微宮所矣

政之宮亦為孛孛者邪亂之氣掃故置新之象是後

周分為二天下兩主宋南里以亡音義

邪似疏注心

至

之宮解云春秋說文星經亦云云亦為孛者亦如北

斗為孛所孛矣言周分為二天下兩主者謂敬王在

成周王猛居王城故下二十二年秋劉子單子以王

猛入于王城傳云王城者何西周也何氏云時居王

城邑自號西周王經又言冬十月王子猛卒二十三年秋尹氏立王子朝然則王猛卒後子朝復篡恒與敬王處据相拒故云周分為二天下兩主也是以運斗樞云星字賊起守大辰於五堂亂兵填門三王爭周以分是也然則彼有三王爭者通前後言之今此云周分為二天下兩主者正以子猛子朝之篡是一也言宋南里以亡者即下二十一年夏宋華亥向寧華定自陳入于宋南里以畔是也

楚人及吳戰于長岸

傳詐戰不言戰此其言戰何注据於越敗吳于醉李

音義

醉音槁本
或作藹

疏

解云經文言戰而傳以詐戰問之者正以夷狄質薄不能結日偏戰

今此兩夷而言戰故以詐戰難之注解云於越敗吳于醉李在定十四年夏也彼此皆是兩夷無言戰之

經是以据敵也注俱無勝負不可言敗故言戰也不而難之

月者略兩夷疏

注解云正以春秋之例偏戰者日詐戰者月今此詐戰而不月故言畧兩

夷

十有八年春王三月曹伯須卒

夏五月壬午宋衛陳鄭災

傳何以書記異也何異爾異其同日而俱災也外異不書此何以書為天下記異也注詩云其儀不忒正是四國四國天下象也是後王室亂諸侯莫肯救故

天應以同日俱災若曰無天下云爾音義

為于偽反
忒他得反

應應對

疏

解云經言災者以其焚宗廟朝廷故也傳云異者正以四國同日而俱災注解云正

以四國得為四方之國故得謂之天下象是後王室亂諸侯莫肯救即下二十二年夏六月王室亂傳云何言乎王室亂注云据天子之居稱京師言不及外也注云宮謂之室刺周室之微弱邪庶並篡無一諸侯之助匹夫之救如一家之亂也故變京師言王室不為天子諱者方責天下不救之者是王室亂諸侯莫肯救之事也

六月邾婁人入郈音義

郈音禹
又音矩

秋葬曹平公

冬許遷于白羽

十有九年春宋公伐邾婁

夏五月戊辰許世子止弑其君買注蔡世子般弑父不

忍日此日者加弑爾非實弑也疏

注解云即襄三十年夏四月蔡世子般弑

其君固何氏云不日者深為中國隱痛有子弑父之禍故不忍言其日是也然則許亦中國而言日者正以加弑非實弑故也知加弑者下傳備文若夷狄弑父則忍言其日者即文元年冬十月丁未楚世子商臣弑其君鬬彼注云日者夷狄子弑父忍言其日是也

己卯地震注季氏稍盛宋南里以叛王室大亂諸侯莫

肯救晉人圍郊吳勝雞父尹氏立王子朝之應疏

注解云謂

稍稍盛也往前時豹羯為政自上十二年夏公如晉至河乃復十三年平丘之會公不與盟以來季孫隱如數見經至二十五年逐出昭公矣云宋南里以叛者在二十一年夏云晉人圍郊者在下二十三年也彼傳云郊者何天子之邑也曷為不繫于周不與伐天子也是也云吳勝雞父者即下二十三年秋七月戊辰吳敗頓胡沈蔡陳許之師于雞父是也云尹氏立王子朝者即下二十三年秋尹氏立王子朝是也

秋齊高發帥師伐莒

冬葬許悼公

傳賊未討何以書葬疏

解云正以隱十一年傳云春秋君弑賊不討不書葬以為

無臣子也然則師有解爾故此弟子据而難之

不成于弑也曷為不成于弑

注据將而誅之音義

于弑音試下于弑加弑皆同

止進藥而藥殺

也注時悼公病止進藥悼公飲藥而死止進藥而藥

殺則曷為加弑焉爾注据意善也譏子道之不盡也

其譏子道之不盡奈何曰樂正子春之視疾也注樂

正子春曾子弟子以孝名聞疏

注解云祭義云樂正子春下堂而傷其足

數月不出猶有憂色門弟子云云子春曰吾聞諸曾子曾子聞諸夫子曰天之所生地之所養唯人為大父母全而生之子全而歸之可謂孝矣云云今予忘孝之道予是以有憂色云云是也

復加一

飯則脫然愈復損一飯則脫然愈復加一衣則脫然愈復損一衣則脫然愈注脫然疾除貌也言消息得

其節音義

復加扶又反下同
飯扶晚反下同

疏

解云言子春視疾之時消息得其節觀其

顏色力少如可時更加一飯以與之其病者脫然加愈若觀其顏色力少如弱時則復損一飯以與之則其病者脫然加愈又觀其顏色力似寒時則復加一衣以與之則病者脫然又加愈又觀其顏色力似如暖時則復損一衣以與之則病者脫然而愈

止進藥而藥殺是以君子加

弑焉爾注失其消息多少之宜曰許世子止弑其君買是君子之聽止也注聽治止罪葬許悼公是君子

之赦止也注原止進藥本欲愈父之病無害父之意故赦之赦止者免止之罪辭也注明止但得免罪不

得繼父后許男斯代立無惡文是也疏

注解云正以此傳但有赦

止之文而無善止之處故知但得免罪而已無嗣父之義矣云許男斯代立無惡文是也者正以自此以后不見許男卒葬之文唯有定六年春王正月癸亥鄭游邀帥師滅許以許男斯歸是也言無惡文者正以不見立入之文故也若止宜立而斯篡之春秋之義應作篡文以惡斯矣似若隱四年衛桓見弑嗣子宜立而宣篡之經書立晉以為惡晉之文也

二十年春王正月

夏曹公孫會自鄴出奔宋音義

鄴音蒙又亡忠反又亡貢反一音亡增反

傳奔未有言自者此其言自何注据始出奔未有言

自者與宋華亥入宋南里復出奔異音義

者此舊於此下有比

者非復疏

注解云謂始發國出未有言自者故云爾扶又反云與宋華亥入宋南里復出奔異者即下

文冬十月宋華亥向寧華定出奔陳二十一年夏宋華亥向寧華定自陳入于宋南里以叛二十二年春

宋華亥向寧華定自宋南里出奔楚是也而言異者正以華亥之徒奔而入叛邑之處乃始出奔故得言

自今會始出故云異矣

畔也注時會盜鄴以奔宋畔則曷為不

言其畔注言叛者當言以畔如邾婁庶其疏

注解云若其作

叛文當言公孫會以鄆出奔宋如似襄二
十一年邾婁庶其以漆間丘來奔之類也 為公子喜

時之後諱也春秋為賢者諱注諱使若從鄆出奔者

故與自南里同文音義

為公子于偽反下為賢為會為之諱同

何賢乎

公子喜時注据喜時不書疏

注解云正以曹羈叔肸春秋賢之者皆書見經

即莊二十四年冬曹羈出奔陳宣十七年冬公弟叔肸卒之文是也今此喜時既不書見非所賢矣則何賢乎喜時故難之讓國也其讓國奈何曹伯廬卒于師注在

成十三年則未知公子喜時從與注喜時曹伯廬弟

音義

從與才用反下音餘下從與同

疏

注解云而賈服以為廬之庶子者蓋所見本異也

公

子負芻從與注負芻喜時庶兄或為主于國或為主

于師注古者諸侯師出世子率與守國次宜為君者

持棺絮從所以備不虞或時疾病相代行本史文不

具故傳疑之音義

絮女居反說文曰絮

疏注古者至

春秋說文言率與守國者與衆也謂率衆以守國也

左氏春秋傳云大子之法君行則守是也其次宜為

君者謂若大子母弟也言持棺絮從者棺者柩也即

禮云以柩從之文是也絮謂新絲即禮記云屬纊以

俟絕氣之文是也云或時疾病相代行者正以曹伯

無子喜時其母弟也當守國公子負芻者庶兄也禮

當從君但或時負芻疾而喜時代之

行今傳不言者正以史文不具故也公子喜時見公

子負芻之當主也逡巡而退賢公子喜時則曷為為

會諱君子之善善也長惡惡也短惡惡止其身注不

遷怒也音義

逡七旬反惡惡並如字一讀上烏路反下同

疏

解云當依正禮喜時守國

則負芻當主者在薨之處當主而來若其疾病求代行則負芻當主也者在國而當主矣善善及

子孫賢者子孫故君子為之諱也注君子不使行善

者有後患故以喜時之讓除會之叛不通鄰為國如

通濫者喜時本正當立有明王興當還國明叔術功

惡相除裁足通濫爾音義

濫力甘反又力暫反

疏

注解云昭三十一年冬黑

子以濫來奔傳云文何以無邾婁注云据讀言邾婁通濫也注云通濫為國故使無所繫曷為通濫賢者子孫宜有地也賢者孰謂謂叔術也何賢乎叔術讓國也云云然則今若通鄆為國宜云夏公孫會以鄆出奔宋傳云文何以無曹通鄆也曷為通鄆賢者子孫宜有地也賢者孰謂謂喜時也何賢乎喜時讓國也云云今不如此者正以喜時本正當立若有明王興興滅國繼絕世之時當令還其國則不宜通鄆邑以為小國而已以此言之明叔術以讓國之功除其妻嫂殺顏之惡裁足通濫邑以為小國而已不足以得邾婁也

秋盜殺衛侯之兄輒音義

輒左氏作繫

傳母兄稱兄兄何以不立注据立嫡以長音義

嫡丁歷反

長丁疏注解云即隱元年傳曰隱長又賢何以不宜

是也 有疾也何疾爾惡疾也注惡疾謂瘖聾盲癰禿跛

偃不逮人倫之屬也書者惡衛侯兄有疾不憐傷厚

遇營衛不固至今見殺失親親也公子不言之兄弟

言之者敵體辭嫌於尊卑不明故加之以絕之所以

正名也音義

瘖於今反聾路工反癰力世反又力大反禿吐木反跛布可反偃於矩反惡烏

路反令疏注失親親也解云

失親親之道也

冬十月宋華亥向甯華定出奔陳音義

向甯二傳作向寧

注月

者危三大夫同時出奔將為國家患明當防之疏

注解云春秋

秋之義大夫出奔例皆書時即成七年冬衛孫林父出奔晉襄二十八年夏衛石惡出奔晉冬齊慶封來奔之屬是也今此書月故須解之言將為國家患者即下文入于宋南里以畔是也若言三大夫同時出奔然後乃月按莊十二年冬十月宋萬出奔陳一大夫也亦書月者使與大國君出奔同明彊禦之甚是也

十有一月辛卯蔡侯廬卒

二十有一年春王二月葬蔡平公

夏晉侯使士鞅來聘

宋華亥向甯華定自陳入于宋南里以畔疏

解云左氏穀梁皆作

南里字而賈氏云穀梁曰南鄙蓋所見異也

傳宋南里者何疏

解云欲言其邑而繫宋言之與蕭例異欲言非邑入之而叛與蕭相

似故執不知問

若曰因諸者然注因諸者齊故刑人之地公

羊子齊人故以齊喻也宋樂世心自曹入于蕭不言

宋南里者略叛臣從刑人于國家尤危故重舉國音

義

重直用反

疏

注因諸齊故刑人之地解云舊說云即博物志云周曰圉圉齊曰因諸是也○宋樂

至言宋解云即定十一年秋宋樂世心自曹入于蕭注云不言叛者從叛臣叛可知者是也何氏特引此

事者正以自外而入與此相似而不繫宋故須解之

秋七月壬午朔日有食之注是後周有篡禍疏

注解云在明年

八月乙亥叔痤卒音義

痤在禾反左氏作叔輒

疏

叔痤解云左氏穀梁作叔輒

冬蔡侯朱出奔楚注出奔者為東國所篡也大國奔例

月此時者惡背中國而與楚故畧之音義

惡烏路反背音佩

疏

蔡侯朱解云左氏與此同穀梁作蔡侯東注出奔者為東國所篡也解云知此者正以二十三年夏六月蔡侯東國卒于楚故也篡不書者東國之下自有注說○大國奔例月者即桓十六年十一月衛侯朔出奔齊之徒是也言惡背中國而與楚者即奔楚是也

公如晉至河乃復

二十有二年春齊侯伐莒

宋華亥向甯華定自宋南里出奔楚注前出奔已絕賤

復錄者以故大夫專勢入南里犯君而出當誅也言自

者別從國去音義

復扶又反別從彼列反下同

疏

注解云在上二十年冬也春秋之例

大夫奔之後其位已絕即襄二十八年冬齊慶封來奔其後因魯奔吳經不書之是也今此書者正以專勢入南里犯君而出起其當誅故也云言自者別從國去者謂言自宋南里者欲別於宋萬出奔陳之文從國都而去者故也

大蒐于昌姦音義

蒐所求反本亦作廋昌姦二傳作昌間

夏四月乙丑天王崩

六月叔鞅如京師

葬景王

王室亂注謂王猛之事疏

注解云即下文秋劉子單子以王猛入于王城是也不言

子朝者子朝于時篡事未成故也

傳何言乎王室亂注据天子之居稱京師天王入于

成周天王出居于鄭不言亂疏

注解云桓九年紀季姜歸于京師京師者

何天子之居也京者何大也師者何衆也天子之居必以衆大之辭言之是也云天王入于成周者即下

二十六年冬十月天王入于成周是也以上二事以解傳文何言乎王室亂之意云天王出居于鄭不言亂者即僖二十四年冬天王出居于鄭是也

言不及外也注宮謂之室刺

周室之微邪庶並篡無一諸侯之助匹夫之救如一家之亂也故變京師言王室不言成周言王室者正王以責諸侯也傳不事事悉解者言不及外外當責之故正王可知也不為天子諱者方責天下不救之

音義

邪似
嗟反

疏

注解云宮謂之室爾雅文云邪庶並篡者正以子猛子朝皆非正適故謂之邪

庶也共篡敬王故謂之並篡時子朝篡事未成而言並篡者欲見尹氏之徒已有立之之意也云無一諸

侯之助匹夫之救者正以變京師言王室故知如此云不言成周言王室者正王以責諸侯也者公羊之義以成周是正居既不言京師亂何故不言成周亂而言王室亂者又欲正其王號以責諸侯不救之謂敬王為王矣其若不然景王之崩至今期年其嗣子在喪得云王室乎云傳不事事悉解者傳若事悉解宜云不言京師言王室者刺周家之微也如一家之亂而已責諸侯不救急著天王之號今不爾者正以言不及外之文足兼此等之意是故不復費辭耳云言不及外即是外邊諸侯之當責之可知由是之故須著言王責諸侯之不救也故曰皆可知云注不為天子諱者方責天下不救之者閔二年傳云曷為外之春秋為尊者諱然則春秋之義為尊者諱今天子微弱不能討亂失國之刑而不為諱者方責天下不救之是以不見者矣

劉子單子以王猛居于皇

傳其稱王猛何注据未踰年已葬當稱子疏

注解云正以莊

三十二年傳云既葬稱子踰年稱公故也言已葬者即上文葬景王是也

當國也注時欲

當王者位故稱王猛見當國也錄居者事所見也不

舉猛為重者時猛尚幼以二子為計勢故加以以者

行二子意辭也二子不舉重者尊同權等音義

見當賢編

反下

疏

注解云正以言王傾國受師似當國之人鄭段之徒矣云錄居者事所見也者正以當國

之人未成為王理宜畧之而錄其居者春秋刺其篡逆若不書云王猛居于皇則其當國之事無由見故

曰錄居者事所見也云不舉猛為重者春秋之徒悉皆舉重是以下二十三年秋天王居于狄泉之經不言其大夫以之今不舉重故如此解也云以者行二子意辭也者正以桓十四年宋人以齊人衛人蔡人陳人伐鄭以者何行其意也何氏云以已從人曰行言四國行宋意是也

秋劉子單子以王猛入于王城

傳王城者何疏

解云欲言正居文無成周之稱欲言非正居王猛入之故執不知問

西

周也注時居王城邑自號西周王其言入何注据非

成周疏

注解云正以公羊之義以成周為正居故言此矣是以二十六年冬十月天王入于成周

是篡辭也注時雖不入成周已得京師地半稱王置

官自號西周故從纂辭言入起其事也不言西周者正之無二京師也不月者本無此國無可與別輕重

也疏

注解云正以春秋之義立納入皆為纂辭故此謂入為纂辭矣春秋之義大國之纂例合書月

即隱四年冬十二月衛人立晉之徒是何者以其禍大故也小國例時以其禍小矣即昭元年秋莒去疾自齊入于莒之文是今此入王城之邑而纂天子計其禍咎實如大國之例而不月者正以本無可與別輕重之義是以時之也

冬十月王子猛卒

傳此未踰年之君也其稱王子猛卒何注据子卒不

言名外未踰年君不當卒疏

注解云据子卒不言名即文十八年冬十月子

卒是也云外未踰年君不當卒者正以春秋上下無其事故也而僖九年冬晉里克弑其君之子奚齊書者彼乃見殺非此之類也而言外者正不與當也不

以內之子般子野之徒皆書之故也

與當者不與當父死子繼兄死弟及之辭也注春秋

篡成者皆與使當君之父死子繼兄死弟及者篡所緣得位成為君辭也猛未悉得京師未得成王又外未踰年君三者皆不當卒卒又名者非與使當成為君也嫌上入無成周文非篡辭故從得位卒明其為

篡也月者方以得位明事故從外未踰年君例疏

注春

秋至辭也解云即公及齊侯盟于柯齊侯小白卒之徒是也○猛未悉得京師即從篡不成己是不當卒也假令得作外踰年君尚自不得書其卒況未成外踰年君實不得書其卒言二者不當卒矣既不合卒今書其名非欲成其為君但嫌上經入于王城之時無成周之文恐其非篡辭故從其得位而書其卒正欲明為篡故也篡既不成理宜畧之而書其月者春秋方書其卒若得位然以明其篡事故曰方以得位明事也言故從外未踰年君例者即僖九年冬晉里克弑其君之子奚齊何氏云弑未踰年君例當月不月者不正遇禍終始惡明故畧之今此書月從未踰年君例矣

十有二月癸酉朔日有食之注是後晉人圍郊犯天子

邑

春秋公羊傳注疏卷二十三

春秋公羊傳卷二十三考證

蔡侯廬歸于蔡陳侯吳歸于陳傳不與諸侯專封也注
名者專受其封當誅書者因以起楚封之○

臣召南

按傳不與專封猶穀梁之言不與楚滅也此義甚正
至陳蔡已滅而復其君自合書名何注以書名為貶
陳蔡則鑿矣

有事于武宮籥入叔弓卒去樂卒事傳禮也○啖助曰
宗廟大事大夫卒小事以禮言之應待祭畢又禮記

稱衛侯曰柳莊者非寡人之臣也社稷之臣也如其卒雖當祭必告據此足明常禮不當告矣

又疏則何氏解孝經與鄭稱同與康成異矣○

臣浩

按疏所言鄭即指康成乃云與鄭稱同與康成異不可解也疑此二句有訛誤

蔡昭吳奔鄭注故奪其有國之辭○

臣召南

按注乖僻

不可解劉敞曰以昭吳為蔡侯之身耶蔡侯始歸名廬後卒名廬此不得謂之昭吳也以昭吳為蔡大夫

耶國非大夫之有奈何於大夫之身奪有國之辭哉
其論甚明

晉荀吳帥師滅賁渾戎○左氏經作陸渾之戎有之字
穀梁經亦作陸渾戎無之字

有星孛于大辰傳大辰者何大火也疏然則爾雅不言
心為大火者文不備也○臣召南按爾雅釋天明云

大辰房心尾也大火謂之大辰何謂文不備乎

傳伐為大辰注伐謂參伐也疏正以伐在參傍與參連

體而六星○ 臣召南按參宿中橫三星其外左右肩

左右足四星又中橫三星之傍有三星下垂曰伐是
伐與參連體而九星也天官書曰參為白虎三星直
者是為衡石下有三星允曰罰為斬艾事其外四星
左右肩股是其証也此疏謂與參連體而六星疑是
字畫之誤但詩綢繆毛傳曰三星參也又周禮熊旂
六旒以象伐則此疏不為無據矣

傳記異也疏二十三年秋尹氏立王子朝○ 臣宗萬按

尹氏立王子朝在昭二十三年秋舊本訛作二十二年今改正

曹公孫會自鄴出奔宋傳為公子喜時之後諱也○劉敞曰傳非也春秋之義善惡各以其事進退之何有賢其祖而遂諱其子孫之惡乎且所諱過小猶之可也大惡至叛君專地而猶為之諱乎是管蔡不誅於周也何休又云有明王作喜時當還國亦非也

傳善善及子孫○臣浩按公羊此傳劉敞極駁其非胡

安國又力主其說大率善善長惡惡短自是經義但書自鄭出奔宋亦未嘗沒其罪也公子喜時即左傳所謂子臧也

劉子單子以王猛居于皇傳當國也○劉敞曰非也王猛乃王矣未踰年是以不可稱天王而又不可以諸侯例稱子也如冠王於子則又與他王子相亂故稱王繫猛者明是王者在喪之常稱可無疑也殷人作書以君名篇明不諱也周人以諱事神死則諱之生

亦不諱也如猛不正春秋可言居乎臣召南按公羊家總坐事實不明不知王猛是敬王之兄于次當立又不知是年王室之亂即是子朝作亂但見經文于王猛書入書卒即謂王猛不當立耳

劉子單子以王猛入于王城傳王城者何西周也○臣

召南

按二十六年冬十月天王入于成周傳曰成周

者何東周也正與此文相對蓋周八百年東西周之名凡三變初言東西周者以鎬洛對言鎬為西也此

後言東西周以王城成周對言王城為西也戰國後
言東西周以河南鞏對言河南為西也

傳纂辭也○劉敞曰下書天王入于成周亦可謂纂乎

春秋公羊傳卷二十三考證

欽定四庫全書薈要卷一千二百二十八

經部

春秋公羊傳注疏卷二十四

起昭公二十三年盡三十二年

漢何休學

唐陸德明音義

二十有三年春王正月叔孫舍如晉疏

叔孫舍左氏穀梁作媯字

癸丑叔鞅卒

晉人執我行人叔孫舍

晉人圍郊

傳郊者何疏

解云欲言外邑文無所繫欲言魯邑而不言伐我故執不知問

天子之

邑也注天子閒田有大夫主之音義

閒音

曷為不繫

于周不與伐天子也注與侵柳同義疏

注解云即宣元年冬晉趙

穿帥師侵柳傳曰柳者何天子之邑也注云天子閒田也有大夫守之晉與大夫忿爭侵之也曷為不繫于周注云據王師敗績于貿戎繫王不與伐天子也注云絕正其義使若兩國自相伐今此圍郊亦然故曰與侵柳同義然則彼已有傳今復發之者正以侵圍異文故也且若不發傳無以知其伐天子

夏六月蔡侯東國卒于楚注不日者惡背中國而與楚故畧之月者比盱附父仇責之淺也不書葬者篡也篡不書者以惡朱在三年之內不共悲哀舉錯無度失衆

見篡音義

惡背烏路反下同背音
佩共音恭錯七故反
疏

注解云正以大國之卒例皆書日今

此不日故解之言背中國而與楚者即此文卒於楚是也僖十四年冬蔡侯肸卒注云不月者賤其背中國而附父仇故畧之甚也然則彼過深故不月此則過淺但不日而已云云之說備於僖十四年云不書葬者篡也者以春秋之例篡不明者例不書葬今此東國篡不明不書其葬以明篡矣二十一年冬蔡侯朱出奔楚何氏云奔者為東國所篡然則東國既篡於朱而無立入之文者正欲惡朱故也何者東國篡朱而無文貶則知春秋之義惡朱明矣言在三年之內者即二十年冬蔡侯廬卒至二十一年冬朱即出奔故曰三年之內也所見之世始錄諸侯內行小失不可勝書是以春秋但捕而見譏而已故何氏云不共悲哀舉錯無度而已矣凡是為人所篡皆失衆之所由故何氏云失衆見篡也

秋七月莒子庚輿來奔

戊辰吳敗頓胡沈蔡陳許之師于雞父胡子髡沈子楹

滅獲陳夏齧音義

父音甫髡苦門反楹音盈左氏作逞穀梁作盈夏戶雅反齧五結反

傳此偏戰也曷為以詐戰之辭言之注据甲戌齊國

書及吳戰于艾陵俱與夷狄言戰今此從詐戰辭言

敗音義

艾五疏解云正以春秋之例偏戰者日詐戰蓋反者月今此書日故曰偏戰注解云即

哀十一年夏五月公會吳伐齊甲戌齊國書帥師及吳戰于艾陵齊師敗績獲齊國書是也不與

夷狄之主中國也注序上言戰別客主人直不直也

今吳序上而言戰則主中國辭也音義

別彼列反

疏

注解云以莊二十八年齊伐衛衛人及齊人戰衛人敗績傳云春秋伐者為客注云伐人者為客伐者為主注云見伐者為主故使衛主之也彼注云戰序上言及者為主曷為使衛主之衛未有罪矣注云蓋為幽之會服父喪未終而不至故又僖十八年春宋公以下伐齊夏宋師及齊師戰于甌齊師敗績傳云春秋伐人者為客伐者為主曷為不使齊主之與襄公之征齊也曷為與襄公之征齊桓公死豎刁易牙爭權不葬為是伐之也以此言之若主人直則主序上若客直則客序上故云序上言戰別客主人直不直今吳人序其上而言戰則是吳人為主中國之辭故不得言戰直言敗而已故云不與夷狄之主中國

然則曷為不使中國主之注据齊國書主吳中國亦

新夷狄也注中國所以異乎夷狄者以其能尊尊也

王室亂莫肯救君臣上下壞敗亦新有夷狄之行故

不使主之不稱國國出師者賤略之言之師者辟許

獨稱師上五國稱國之嫌音義

行下孟疏注解云君反下同

敗者不救天子有無君臣上下之道故云君臣上下壞敗不稱國國出師者賤略之者決桓十三年春齊師宋師衛師燕師敗績之文言之師者若不言之直言吳敗頓胡沈蔡陳許師于雞父則嫌師文獨使許稱自陳以上單稱國是故言之以散之矣

其言滅獲何注据蔡公孫歸生

滅沈以沈子嘉歸殺之國言滅君言殺又獲晉侯言

獲此陳夏鬻亦言獲君大夫無別疏

注解云即定十四年夏四月庚

辰蔡公孫歸生帥師滅沈以沈子嘉歸殺之彼國言滅君言殺今此君言滅是以据而難之云又獲晉侯言獲者即僖十五年冬十一月壬戌晉侯及秦伯戰于韓獲晉侯是也然則國言滅君言殺以解傳其言滅何之文又獲晉侯言獲以解傳其言獲何之文別君臣也君死于位曰滅

生得曰獲大夫生死皆曰獲注大夫不世故不別死

位疏

解云君死于位曰滅者即此胡子髡沈子楹滅是也生得曰獲者即獲晉侯是也大夫生死皆

曰獲者大夫死曰獲者即此獲陳夏鬻及哀十一年獲齊國書之徒是也其大夫生得曰獲者宣二年獲宋華元是也注解云正謂諸侯世故別其死社稷與不若其死社稷者而經書滅不能者貶之言獲也大

夫不世是以不勞別之故
不問生死皆謂之獲也

不與夷狄之主中國則其

言獲陳夏鬻何注据荆敗蔡師于莘以蔡侯獻舞歸

不言獲音義

革所中反

疏

注解云在莊十年秋九月彼傳云曷為不言其獲不與夷狄之

獲中國也

吳少進也注能結日偏戰行少進故從中國辭

治之髡楹下云滅者死戰當加禮使若自卒相順也
經先舉敗文嫌敗走及殺也故以自滅為文明本死

位乃敗之爾名者從赴辭也疏

注解云獲晉侯戕鄆子之徒皆獲戕之文

在上今髡楹之滅滅文在下者以其死戰當合加禮故退滅文於下使若公子友卒之類不為人所殺然

故曰使若自卒一則不言戰不與夷狄之主中國一則其言滅不與夷狄之殺諸夏二理合符故言相順也公羊之義合書則書不待赴告而言從赴辭者正以髡楹既死故胡沈之臣赴告鄰國云道寡君某甲為吳所滅諸侯之史悉書其名孔子按諸國之文而為春秋由是之故錄其名矣故曰名者從赴辭隱公八年夏六月己亥蔡侯考父卒秋八月葬蔡宣公傳云卒何以名而葬不名卒從正注云卒當赴告天子君前臣名故從君臣之正義言也而葬從主人彼注云至葬者有常月可知不赴告天子故從蔡臣子辭稱公也以此言之則此注云名者從赴辭者謂其赴告天子之辭是以稱人矣

天王居于狄泉

傳此未三年其稱天王何注据毛伯來求金不稱天

王疏

注解云即文九年毛伯來求金是也彼云何以不稱使當喪未君也踰年矣何以謂之未君即

位矣而未稱王也未稱王何以知其即位以諸侯之踰年即位亦知天子之踰年即位也注云俱繼體其禮不得異以天子三年然後稱王亦知諸侯於封內三年稱子也然則天子之法三年然後方始稱王故此傳云此未三年其稱王何据毛伯不稱天王以難之

著有天子也注時庶孽

竝篡天王失位徙居微弱甚故急著正其號明天下

當救其難而事之音義

孽魚列反難乃旦反

尹氏立王子朝音義

朝如字

注貶言尹氏者著世卿之權

尹氏貶王子朝不貶者年未滿十歲未知欲富貴不當

坐明罪在尹氏疏

注解云貶言尹氏者即隱三年夏尹氏卒之下傳云尹氏者何天子之大

夫也其稱尹氏何貶曷為貶譏世卿是也云年未滿十歲者何氏更有所見或者正以衛人立晉莒展去疾之徒悉去公子見其當國今此王子朝經無貶文乃與楚公子比之經相似案上十三年公子比之下傳云比已立矣其稱公子何其意不當也以此言之明其幼少也年既幼少未貪富貴故以未盈十歲言以下二十六年出奔之時年已稍長而不去王子者順上文也

八月乙未地震注是時猛朝更起與王爭入遂至數年

晉陵周竟吳敗六國季氏逐昭公吳光弑僚滅徐故曰

至三食地為再動音義

更音庚數所主反為于偽反

疏

注解云猛今雖卒但篡來

世近而子朝復逆故曰猛朝更起上王猛入于王城今言天王居于狄泉尹氏立王子朝二十六年天王入于成周王子朝奔楚故云與王爭入也首尾五載故曰遂至數年云晉陵周竟者即上圍郊是也云吳敗六國者上文云吳敗頓胡沈蔡陳許之師云云是也云季氏逐昭公者即下二十五年九月癸亥公孫于齊是也吳光殺僚滅徐者即下二十七年夏四月吳弑其君僚滅徐者即下三十年冬十二月吳滅徐徐子章禹奔楚是也云故日三食地為再動者上二十一年秋七月壬午朔日有食之二十四年夏五月乙未朔日有食之故云日至三食也上十九年夏五月己卯地震今年又震故曰地為再動

冬公如晉至河公有疾乃復

傳何言乎公有疾乃復注据上比乃復不言公不言

有疾疏

注解云上十三年冬公如晉至河乃復又二

不言公者正謂至殺恥也注因有疾以殺畏晉之恥

河之下不言公矣舉公者重疾也子之所慎齊戰疾

二十有四年春王二月丙戌仲孫貜卒

叔孫舍至自晉疏

解云上十四年春隱如至自晉以其被執而還故省去其氏今此叔孫舍

不去氏者蓋以無罪故也是以文十四年傳云稱行人而執者以其事執也注云以其所銜奉國事執之晉人執我行人叔孫舍是也不稱行人而執者以已執也注云已者已大夫自以大夫之罪執之分別之者罪惡當各歸其本以此言之則知隱如有罪故去其氏叔孫無罪故無貶文若然文十五年夏單伯至自齊案彼單伯

亦以其有罪執而存其氏者取之故也是以彼注云不省去氏者淫當絕使若他單伯至是也

夏五月乙未朔日有食之注是後李氏逐昭公吳滅巢

弑其君僚又滅徐疏

注解云是後李氏逐昭公者在下二十五年九月云吳滅巢者在今

年冬云弑其君僚者在二十七年云又滅徐者在三十年冬先言李氏逐昭公者正欲決吳事故也

秋八月大雩注先是公如晉仲孫矍卒民被其役時年

叔倪出會故秋七月復大雩音義

被皮寄反

丁酉杞伯鬱釐卒音義

釐音來又力之反二傳作郁釐

疏

解云杞伯鬱釐卒者左氏

穀梁作郁釐字今正本亦有郁字者

冬吳滅巢

葬杞平公

二十有五年春叔孫舍如宋

夏叔倪會晉趙鞅宋樂世心衛北宮喜鄭游吉曹人邾

婁人滕人薛人小邾婁人于黃父音義

倪音詰又五兮反左氏作諸樂

世心世如字又以制反左氏作大心父音甫

疏

解云叔倪者穀梁與此同左氏經賈注者作叔諸字

有鸛鵒來巢音義

鸛音權左氏作鸛音劬鵒音欲

疏

解云按運斗樞云有鸛鵒來巢于榆

此經不言于榆者欲道來巢即為異不假指其處所若莊七年傳云不修春秋曰雨星不及地尺而復君子修

之曰星實如雨何氏云明其狀似雨爾不當言
雨星不言尺者實則為異不可以尺寸錄之

傳何以書記異也何異爾非中國之禽也宜穴又巢

也注非中國之禽而來居此國國將危亡之象鵲鵲

猶權欲宜穴又巢此權臣欲國自下居上之徵也其

後卒為季氏所逐疏

注解云非中國之禽也者謂是夷狄之鳥以異義公羊說云鵲

鵲夷狄之鳥不當來入中國鄭君駁之曰春秋之鳥不言來者多為夷狄來也若鵲鵲乃飛從夷狄而來

則昭將去遠域之外以此言之則知非中國之禽者謂是夷狄之鳥而冬官云鵲鵲不踰濟鄭氏云無妨

於中國有之者何氏所不取也舊解以為中國國中者非傳注之意穀梁與此同

秋七月上辛大雩季辛又雩

傳又雩者何疏

解云諸夏雩祭文悉不言又異于常例故執不知問

又雩者非

雩也聚衆以逐季氏也注一月不當再舉雩言又雩

者起非雩也昭公依托上雩生事聚衆欲以逐季氏
不書逐季氏者諱不能逐反起下孫及為所敗故因
雩起其事也但舉日不舉辰者辰不同不可相為上
下又日為君辰為臣去臣則逐季氏意明矣上不當
日言上辛者為下辛張本不言下辛言季辛者起季

氏不執下而逐君音義

孫音遜下文同去起呂反

疏

注解云僖三年注云太平一月不雨即書春秋亂世一月不雨未害物未足為異當湍一時乃書然則春秋之義一時能害方始書雩豈有再舉其雩乎故曰一月不當再舉雩矣既無再舉雩之例而言又雩者何以起其非實雩故云言又雩者起非雩也但舉日不舉辰者正以去年夏五月乙未朔日有食之則此月上辛為辛丑下辛為辛酉所以直言辛不兼言丑酉者若言辛丑辛酉即是參差不同不可相為上下故也十日為陽為幹故為君之義十二辰為陰為枝故為臣之象故云日為君辰為臣春秋之雩其例書時即桓五年秋大雩之文是故云上不當日也若然亦不合月而云七月者欲見上辛下辛皆七月之日故凡言上者對下之稱既言上辛而不言下辛者欲起季氏不執臣下之卑而逐君矣

九月己亥公孫于齊次于揚州音義

揚州左氏作陽州

注地者

臣子痛君失位詳錄所舍止疏

注解云地者即經書次于揚州是也春秋之義

悉皆舉重不舉公孫為重而復書次于揚州者臣子哀痛公之失位是以詳錄公之所舍止之處矣

齊侯唁公于野井音義

唁音彦

傳唁公者何疏

解云失國見唁在可諱之限今而書見故執不知問

昭公將弒

季氏注傳言弒者從昭公之辭音義

弒音試下及注同

疏

注解

云君討臣下正應言殺今傳云弒故須解之而言從昭公之辭者即下文云吾欲弒之何如是也

告

子家駒曰季氏為無道僭於公室久矣注諸侯稱公

室疏

解云季氏為無道者謂無臣之道

吾欲弑之何如注昭公素畏

季氏意者以為如人君故言弑疏

注解云隱四年傳云與弑公何氏云

弑者殺君之辭然則臣下犯于君父皆謂之弑今昭公欲討臣下而言弑違於常義故須解之

子家

駒曰諸侯僭於天子大夫僭於諸侯久矣昭公曰吾

何僭矣哉注失禮成俗不自知也疏

注解云正以魯人始僭在春秋

前至昭已久故不自知

子家駒曰設兩觀注禮天子諸侯臺門

天子外闕兩觀諸侯內闕一觀音義

觀工亂反注同疏注解

禮器文云天子外闕兩觀諸侯內闕一觀者禮說文也

乘大路注禮天子大路

諸侯路車大夫大車士飾車疏

注解云顧命之文也云諸侯路車詩云路

車乘馬是也云大夫大車者即詩云大車檻檻是也云士飾車者即書傳云乘飾車兩馬庶人單馬木車

是也朱干注干楯也以朱飾楯音義

楯食允反又音尹

玉戚注

戚斧也以玉飾斧音義

玉戚干寂反以玉飾斧

以舞大夏注大

夏夏樂也周所以舞夏樂者王者始起未制作之時

取先王之樂與己同者假以風化天下天下大同乃

自作樂取夏樂者與周俱文也王者舞六樂于宗廟

之中舞先王之樂明有法也舞己之樂明有則也舞

四夷之樂大德廣及之也東夷之樂曰柷離南夷之

樂曰任西夷之樂曰禁北夷之樂曰昧音義

夏戶雅反柷音

誅禁音金

疏

注東夷之樂至曰昧解云以下皆樂說又居鳩反文彼注云陽氣始起於懷任之物各離

其柷也南者任也盛夏之時物皆懷任矣草木八旬成禁如收斂盛陽消盡蔽其光景昧然是也

以舞大武此皆天子之禮也且夫牛馬維婁注繫馬

曰維繫牛曰婁音義

侑音逸夫音扶下有夫并注同婁力主反

疏

解云以周公之

功得用四代之樂而以大夏之徒謂之為僭者刺其羣公之廟若祭周公則備牛馬維婁者皆謂繫之於廐不得放逸于郊也注解云繫馬曰維者即詩云皎皎白駒繫之維之是也繫牛曰婁者正以上言牛馬

下言維婁維既屬馬婁屬於牛亦可知矣而文不委
次者意到則言矣舊說云婁者侶也謂聚之於廐

己者也注委食己者音義

委于偽反注同己音紀食音嗣下同

而柔馬

注柔順疏

解云言牛馬之數猶順於己之人而季氏作賞有年歲矣民從之固是其宜矣

季

氏得民衆久矣注季氏專賞罰得民衆之心久矣民

順從之猶牛馬之於委食己者君無多辱焉注恐民

必不從君命固為季氏用反逐君故云爾子家駒上

說正法下引時事以諫者欲使昭公先自正乃正季

氏疏

注解云子家駒上說正法者即謂上文朱干玉戚之屬是也云下引時事者謂牛馬維婁是也

昭公不從其言終弑而敗焉注果反為季氏所逐疏

解云終弑之者謂陳兵欲往攻殺之也

走之齊齊侯唁公于野井注弔

亡國曰唁弔死國曰弔弔喪主曰傷弔所執紼曰紼

音義

紼音弗

疏

注解云弔亡國曰唁者此文是也弔喪至曰紼皆當時之制也

曰奈

何君去魯國之社稷昭公曰喪人注自謂亡人音義

喪息浪反亡也

不佞注不善失守魯國之社稷執事以羞注

謙自比齊下執事言以羞及君疏

解云執事以羞言已之尊卑比齊之

執事也而舉措不善失守再拜注願者猶今叩頭

社稷由是之故以羞及君

矣謝見言也音義

再拜顙息黨反見而稽顙也

慶子家駒注慶賀

曰慶子免君於大難矣子家駒曰臣不佞陷君於大

難君不忍加之以鈇鎖賜之以死注鈇鎖要斬之罪

即所錫之以死音義

難乃旦反下同鈇音甫又方于反鎖之實反要一遙反

再

拜顙注謝為齊侯所慶高子執簞食注簞葦器也圓

曰簞方曰筭食即下所致糗也音義

簞音丹葦器食音嗣注同葦于

鬼反筭思嗣反糗丘九反又昌紹反疏

注簞葦至曰筭解云釋器無文蓋以時事言之云食即下所致

糗也者即下文云致糗於從者是也

與四脰脯注屈曰胸伸曰脰音

義

脰他頂反又大
頂反脰其俱反

疏

注解云正以脰是伸舒之名則
知脰是屈疊之稱矣鄭注曲禮

上篇云屈中曰
胸義通於此

國子執壺漿注壺禮器腹方口圓曰

壺反之曰方壺有爵飾疏

注解云壺禮器即燕禮云
司宮尊于東楹之西兩方

壺左玄酒南上是也云腹方至爵飾者釋器無文蓋
用舊說或以時事知之言有爵飾者謂刻畫蓋爵之

形飾其
壺體

曰吾寡君聞君在外餽饗未就注餽熟食饗

熟肉未就未成也解所以致糗意音義

餽音
疏

注解
云聘

禮曰宰夫朝服設飧飪一牢在西鼎九是飧為熟食
也又云致饗餼五牢飪一牢云上文對饌下文有

飪一牢之言故
知熟肉明矣

敢致糗于從者注糗糒也謙不敢斥

魯侯故言從者音義

從才用反注及下皆同糒音備

疏

注解云言糒糒若今之糒

米也糒妹紹反又羗九反糒平祕反

昭公曰君不忘吾先君延及喪人

錫之以大禮再拜稽首以衽受注衽衣下裳當前者

乏器謙不敢求索音義

衽而甚反又而鳩反掩裳際也索所白反

疏

解云錫之

以大禮上文致糒是也注解云所以衽受之者蓋以行客之人於器物乏故也

高子曰有夫

不祥注猶曰人皆有夫不善君無所辱大禮注禮臣

受君錫荅拜謂之拜命謂之辱高子見昭公拜辱大

卑故曰君無所辱大禮音義

大卑音泰下大學同

昭公蓋祭而

不當注食必祭者謙不敢便嘗示有所先不當者待

禮讓也疏

注解云凡禮食必先須祭者正欲作謙其未祭之時不敢便即嘗之欲示有所先今

昭公祭訖猶不當者正欲待禮讓故也

景公曰寡人有不腆先君之服

未之敢服注腆厚也服謂齊侯所著衣服也言未敢

服者見魯侯乃敢服之謙辭也禮天子朝皮弁夕玄

端朝服以聽朝玄端以燕皮弁以征不義取禽獸行

射諸侯朝朝服夕深衣玄端以燕裨冕以朝天子以

祭其祖禰卿大夫冕服而助君祭朝服祭其祖禰士

爵弁黻衣裳以助公祭玄端以祭其祖禰音義

典他反

厚也著丁略反婢支反黻音弗

疏

注解云禮天子朝以下皆出禮記漢禮亦然

有不腆

先君之器注器謂上所執簞壺疏

注解云上文高子執簞食國子執壺

漿是也然則上言饗飧未熟今則更以簞壺盛饗飧是

未之敢用敢以請注請

行禮昭公曰喪人不佞失守魯國之社稷執事以羞

敢辱大禮敢辭注不敢當大禮故敢辭疏

敢辱至敢辭解云亦

上有不字者若有不字則辭下讀是以注者以不敢言之

景公曰寡人有不腆先

君之服未之敢服有不腆先君之器未之敢用敢固

以請昭公曰以吾宗廟之在魯也注以我守宗廟在

魯時有先君之服未之能以服有先君之器未之能

以出敢固辭注己有時未能以事人今己無有義不

可以受人之禮疏

解云未之能以服者謂未能服之以事人矣下文未之能以出亦然

注解云今己無有者謂己身之己或解己為已然之己也

景公曰寡人有不腆先

君之服未之敢服有不腆先君之器未之敢用請以

饗乎從者注欲令受之故益謙言從者音義

令力反

昭

公曰喪人其何稱注行禮賓主當各有所稱時齊侯

以諸侯遇禮接昭公昭公自謙失國不敢以故稱自

稱故執謙問之音義

故稱尺證反

景公曰孰君而無稱注

猶曰誰為君者而言無所稱乎昭公非君乎昭公於

是噉然而哭注噉然哭聲貌感景公言而自傷音義

噉古弔反一音古狄反

諸大夫皆哭注魯諸大夫從昭公者既

哭以人為菑注菑周埒垣也所以分別內外衛威儀

今大學辟雍作側字音義

菑側其反又側吏反埒垣力悅反下音袁別彼列反

辟音壁疏

注解云菑周埒垣也者猶言周匝為埒墻云今大學辟雍作側字者謂何氏所注者是菑

字今漢時大學辟雍所讀者
作側字云既哭以人為側

以辟為席注辟車覆笭

音義

辟亡歷反一音呼
閱反笭力丁反

疏

注解云笭即式也但車式
以笭為之有豎者有橫者

故考工記注云轡式之植者橫者也禮
君羔辟虎植大夫士鹿辟豹植者是也

以鞍為几以

遇禮相見注以諸侯出相遇之禮相見音義

鞍音

孔

子曰其禮與其辭足觀矣注言昭公素能若此禍不

至是主書者喜為大國所唁地者痛錄公明臣子當

憂納公也疏

注地者痛錄公解云書其唁公于野井
者正欲痛公而詳錄之下二十九年春

齊侯使高張來唁公不復書其地正以公居于運與
在國同故與此異三十年晉侯使荀櫟唁公于乾侯

地者與
此同

冬十月戊辰叔孫舍卒

十有一月己亥宋公佐卒于曲棘

傳曲棘者何疏

解云欲言宋邑例所不書欲言他邑文無所繫故執不知問

宋之

邑也諸侯卒其封內不地此何以地憂內也注時宋

公聞昭公見逐欲憂納之至曲棘而卒故恩錄之疏

解云諸侯卒其封內不地此何以地者正以桓五年陳侯鮑卒不地是以弟子据而難之但宣公九年晉

侯黑臀卒于扈之下已
有成注故于此省文

十有二月齊侯取運

傳外取邑不書此何以書為公取之也注為公取運

以居公善其憂內故書不舉伐者以言語從季氏取

之月者善錄齊侯音義

為公于偽反注同

疏

解云外取邑不書正据襄元年

傳云魚石走之楚楚為之伐宋取彭城以封魚石而經不書楚取彭城是也但隱四年春莒人伐杞取牟婁之下有注故此省文注解云不舉伐者正以隱四年春莒人伐杞取牟婁舉伐言取故決之云月者善錄齊侯者正以哀八年夏齊人取譙及僂外取邑而書時今此書月正以善憂內詳錄齊侯矣

二十有六年春王正月葬宋元公

三月公至自齊居于運注月者閔公失國居運致者明

臣子當憂納公不當使居運後不復月者始錄可知音

義

復扶又反下同

疏

解云案上公孫于齊次于揚州齊侯唁公于野井似不入齊國都而得言至自齊者

穀梁傳云公次于揚州其曰至自齊何也注云据公但至揚州未至齊以齊侯之見公可以言至自齊也注云齊侯唁公于野井以親見齊侯為重故可言至自齊居于鄆者公在外也注云若但言公至自齊而不言居于鄆則嫌公得歸國欲明公實在外故言居于鄆注解云月者閔公失國居運者正以凡致例時故也桓元年三月公會鄭伯于垂之下注云不致者為下去王適足起無王未足以見無王罪深淺故復奪臣子辭成誅文也然則昭公失所為臣所逐而致之者正以罪輕於桓公明其臣子當憂納公故也云後不復月者始錄可知即

此秋公至自會二十七年冬
公至自齊居于鄆之屬是也

夏公圍成注書者惡公失國幸而得運不修文德以來

之復擾其民圍成不從叛書者本與國俱叛故不得復

以叛為重不從定公又以親圍下邑為譏者昭無臣子

又即如定公當致也音義

惡鳥路反

疏

注解云成三年秋叔孫僑如率師圍棘棘

者何汶陽之不服邑也其言圍之何不聽也注云不聽者叛也不言叛者為內諱故書圍以起之然則今此圍成是圍叛之文而知為惡公書之者正以本與國俱叛理宜不復以叛為重故也定十二年十有二月公圍成注云天子不親征下士諸侯不親征叛邑公親圍成不能服不能以一國為家甚危若從他國來故危錄之是

也然則此經不書月亦與彼異而注不決之者省文從可知

秋公會齊侯莒子邾婁子杞伯盟于剗陵注不月者時

諸侯相與約欲納公故內喜為大信辭音義

剗音專本亦作專

疏

注解云春秋之義大信者時小信者月不信者日剗陵之會無相犯復無大信止合書月而書時者正以

約欲納公故為大信辭矣

公至自會居于運注致會者責臣子明公

已得意于諸侯不憂助納之而使居于運疏

注解云莊六年注云

公與二國以上出會盟得意致會不得意不致即哀十三年夏公會晉侯及吳子於黃池秋公至自會宣七年冬公會晉侯以下于黑壤之屬是也然則公與二國以上出會盟得意致會明公已得意於諸侯

九月庚申楚子居卒

冬十月天王入于成周

傳成周者何疏

解云欲言正居經無京師之稱欲言非正居天王入之故執不知問東

周也注是時王猛自號為西周天下因謂成周為東

周疏

注解云謂是上二十二年時故彼經稱秋劉子單子以王猛入於王城傳云王城者何西周也

注云時居王城邑自號西周王是也

其言入何注据入者纂辭疏

注解云即

莊六年衛侯朔入于衛之下傳文所云其言入何纂辭也是也

不嫌也注上言天王

著有天子已明不嫌為纂主言入者起其難也不言

京師者起正居在成周實外之月者為天下喜錄王

者反正位音義

為天子
偽反

疏

注解云謂此經上有天王
之文下雖言入非篡可知

上二十三年秋天王居于狄泉傳云此未三年其稱
天王者何著有天子然則此注云著有天子已明者
取上傳之文云主言入者起其難也者正以隱八年
春入邠之下傳云其言入何難也莊二十四年秋夫
人姜氏入之下傳云其言入何難也然則入者重難
之辭故云主言入者起其難也桓九年春紀季姜歸
于京師之下傳云京師者何天子之居也則天子之
居乃京師是也今言天王入于成周不言入京師者
正欲起其正居在成周故也所以能起之者既為天
王所入正居明矣言實外之者正以天子之重海內
瞻望宜親九族以自衛守而辟庶孽蒙塵于外經歷
數年方歸舊守是以不言京師欲以外之然則不言

京師兼二義矣初起成周為正居終實外天子故云不言京師起正居在成周實外之也云月者為天下喜錄王者反正位者正以此上二十二年秋劉子單子以王猛入于王城不書月今此月者為天下喜錄王者反正位故也

尹氏召伯毛伯以王子朝奔楚注立王子朝獨舉尹氏

出奔并舉召伯毛伯者明本在尹氏當先誅渠率後治

其黨猶楚嬰齊音義

率所類反或作帥

疏

解云穀梁與此同左氏召伯作召氏注解

云云立王子朝獨舉尹氏者即上二十三年秋尹氏立王子朝是也云當先誅渠帥後治其黨者漢之賊首皆謂之渠帥故何氏云焉云猶楚嬰齊者成二年冬十有一月公會楚公子嬰齊于蜀丙申公及楚人以下盟于

蜀彼注云上會不序諸侯大夫者嬰齊楚專政驕蹇臣也數道其君率諸侯侵中國故獨先舉于上乃貶之明本在嬰齊當先誅其本乃及其末是也

二十有七年春公如齊公至自齊居于運

夏四月吳弑其君僚注不書闔廬弑其君者為季子諱明季子不忍父子兄弟自相殺讓國闔廬欲其享之故為沒其罪也不舉專諸弑者起闔廬當國賤者不得貶無所明文方見為季子諱本不出賊以明闔廬罪雖可貶猶不舉月者非失衆見弑故不畧之音義

為季子偽反下同見

賢徧疏注解云不書闔廬弑其君者襄二十九年吳子反使札來聘下傳云闔廬曰先君之所以不與子

國而與弟者凡為季子故也將從先君之命與則國宜之季子者也如不從先君之命與則我宜立者也僚烏得為君乎於是使專諸刺僚著闔廬弑僚之文也今不書闔廬弑為季子諱不討賊故也云明季子不忍父兄自相殺者即彼傳云而致國乎季子季子不受曰爾弑吾君吾受爾國是吾與爾為篡也爾殺吾兄吾又殺爾是父子兄弟相殺終身無已也去之延陵終身不入吳國者是其文也云不舉專諸弑者桓二年春王正月戊申宋督弑其君與夷之下何氏注云督不氏者起馮當國然則彼經貶去督之氏者起其弑君取國與馮所以不舉專諸弑僚見取國與闔廬者正以其賤不得貶之假令書見正得稱人文無所明故也云月者非失衆見弑故不畧之者文十八年冬莒弑其君庶其傳云稱國以弑何稱國以弑者衆弑君之辭何氏云一人弑君國

中人人盡喜故舉國以明失衆當坐絕也例皆時者畧之也然則稱國以弑者例皆不月以畧之今此月者直是本不出賊以除闔廬罪是以稱國非失衆見弑之例故不畧之

楚殺其大夫郤宛音義

郤宛去逆反下紆宛反

秋晉士鞅宋樂祁犁衛北宮喜曹人邾婁人滕人會于

扈音義

犁力兮反又力私反

冬十月曹伯午卒

邾婁快來奔音義

邾婁快本又作噲苦央反

傳邾婁快者何邾婁之大夫也邾婁無大夫此何以

書以近書也注說與鼻我同義疏

注 解云即襄二十三年夏邾婁鼻我

來奔傳云邾婁鼻我者何邾婁大夫也邾婁無大夫此何以書以近書也何氏云以奔無他義知以治近升平書也所傳聞世見治始起外諸夏錄大畧小大國有大夫小國畧稱人所聞之世內諸夏治小如大廩廩近升平故小國有大夫治之漸也見於邾婁者以近治也獨舉一國時亂實未有大夫治亂不失其實故取足張法而已然則邾婁快亦以奔無他義知以治近太平書也見於邾婁者以其近魯故也太平世獨舉一國者時亂實未有大夫治亂不失其實但取足張法而已故云說與鼻我同義也云云之說在

襄二十

三年

公如齊公至自齊居于運

二十有八年春王三月葬曹悼公注月者為下出也音

義

為于偽反

疏

注解云正以上十八年三月曹伯須卒秋葬曹平公二十七年冬十月曹伯午卒然則曹

於所見之世正自卒月葬時故知此月宜為其下事出矣

公如晉次于乾侯注乾侯晉地名月者閔公內為強臣

所逐外如晉不見答次于乾侯不諱者憂危不暇殺恥

後不月者錄始可知疏

注解云後不月者即下二十九年春公如晉次于乾侯是也

夏四月丙戌鄭伯甯卒音義

甯乃定反下同左氏并下滕子名並作寧

六月葬鄭定公

秋七月癸巳滕子甯卒

冬葬滕悼公

二十有九年春公至自乾侯居于運注不致以晉者不見容于晉未至晉

齊侯使高張來唁公注言來者居運從國內辭書者如

晉不見答喜見唁也不月者例時也疏注言來至內辭者解云正以下

三十一年晉侯使荀櫟唁公于乾侯不言來故也云不月者例時也者正以經不月故知例然則知下文荀櫟

唁公之徒雖在日月之下不蒙日月可知

公如晉次于乾侯

夏四月庚子叔倪卒

秋七月

冬十月運潰

傳邑不言潰此其言潰何注据國曰潰邑曰叛疏

注

云即僖四年蔡潰文三年沈潰者是國曰潰之文襄二十六年春衛孫林父入于戚以叛定十一年春宋公之弟辰及仲佗石彊公子池自陳入于蕭以叛是邑曰叛之文

郭之也注郭郭疏

注解云郭郭者郭之猶云國之但古今異語也

曷為郭之注据成三年棘叛

不言潰也疏

注解云即彼經云叔孫僑如帥師圍棘棘者何汶陽之不服邑也其言圍之何

不聽也彼注云不聽者叛也是也

君存焉爾注昭公居之故從國言

潰明罪在公也不言國之言郭之者公失國也不諱

者責臣子當憂而納之殺恥不如救危也孔子曰不

患寡而患不均不患貧而患不安其本乃由于圍成

失大得小而不能節用疏

注解云不言國之言郭之者正以桓七年春焚咸丘

之下傳云咸丘者何邾婁之邑也曷為不繫乎邾婁國之也莊二年夏公子慶父帥師伐於餘丘之下傳云於餘丘者何邾婁之邑也曷為不繫乎邾婁國之也然則彼二文皆言國之今言郭之者正以昭公失

國裁得國外土地而已其國內宗廟非公之有故傳
言郭之不言國之耳云孔子曰不患寡而患不均不
患貧而患不安者論語文言為國家者不患土地人
民之寡少而患政令之不均平不患國無儲積而患
君臣上下之不能相安而引之者欲道昭公政令失
所是以出奔今居小地而復圍成擾亂其民令之不
安由茲潰散無寸土可居久不得國而卒於外者身
自取之者也云其本乃由于圍成者圍成即二十六
年夏公圍成是也失魯之大而得運邑故曰失大
得小不能自節約而用之乃復擾亂其民圍成也

三十年春王正月公在乾侯注月者閔公運潰無尺土

之居遠在乾侯故以存君書明臣子當憂納之疏

注解云故

以存君書者即襄二十九年春王正月公在楚何言乎
公在楚正月以存君也彼注云正月歲終而復始臣子

喜其君父與歲終而復始執贄存之故言在今昭公運
潰無尺寸之土可居遠在他方故以存君書之故云公
在乾

夏六月庚辰晉侯去疾卒音義

去起呂反

秋八月葬晉頃公音義

頃音傾

冬十有二月吳滅徐徐子章禹奔楚注至此乃月者所

見世始錄夷狄滅小國也不從上州來巢見義者因有

出奔可責音義

見賢偏反

疏

注解云正以僖二十六年秋楚人滅隗以隗子歸何氏云不月

者畧夷狄滅微國也然則此亦夷狄滅微國而書月者
所見之世故也吳滅州來在上十三年冬吳滅巢在上

二十四年冬然則州來與巢皆當所見世而不書月以見之至此乃月者正以既滅其國復奔其君因責章禹不能死位是以於二國皆不書月也於上經既不書月明其還同所聞之例故何氏於州來之下注云不月者畧兩夷是也

三十有一年春王正月公在乾侯

季孫隱如會晉荀櫟于適歷注時晉侯使荀櫟責季氏不納昭公為此會也季氏負榘謝過欲納昭公昭公創惡季氏不敢入公出奔在外無君命所以書會以殊外言來者從王魯錄諱亟取邑卒大夫者盈孫文音義

櫟本

又作蹠又作灤亦滴灤也皆同力狄反一音與灼反適
丁歷反一音狄極章藥反本又作筆惡烏路反亟去異
反孫疏注解云李氏負極至不敢入者春秋說文彼注
音遜云負極者聽刑之禮也昭公創惡李氏不敢入
者左傳亦有其文也春秋之義待君命然後卒大夫明
其非君命者不錄之也今昭公不在所以書季孫隱如
會晉荀慄于適歷又書黑弓以濫來奔之文又以殊外
者從王魯錄文故得然不為爾時有君命也云諱亟取
邑者即下三十二年取闕傳云闕者何邾婁之邑曷為
不繫乎邾婁諱亟也注云與取濫為亟是也云卒大夫
者盈孫文者即上二十五年公遜于齊後叔孫舍卒二
十九年叔倪卒之徒是也然則春秋之義為君父諱惡
春秋之義待君命然後卒大夫然今君不在國而書大
夫之卒故須解之然則取闕不繫邾婁乃書大夫之卒
者正欲盈足諱奔言
遜之義故云盈孫文

夏四月丁巳薛伯穀卒注始卒便名日書葬者薛比滕

最小迫後定寅皆當略疏

注解云始卒便名日書葬者春秋之義小國始卒名日及

葬未能悉具會二見之後方始能備即宣九年秋八月
滕子卒成十六年夏四月辛未滕子卒昭三年春王正
月丁未滕子泉卒五月葬滕成公之徒是也言薛比滕
最小者正以滕子卒於宣公之篇薛今始卒故云比於
滕為小國也而今始卒日即得名葬具書正由於後定
寅皆當見畧迫此之故是以一注備書矣其定見畧者
即定十二年春薛伯定卒彼注云不日月者子無道當
廢之而以為後未至三年失衆見弑危社稷宗廟禍端
在定故畧之是也其寅見畧者即哀十年夏薛伯寅卒
彼注云卒葬畧者與杞伯益姑同是也昭六年春王正
月杞伯益姑卒彼注云不日者行微弱故畧之入所見
世責小國詳始錄內行也諸侯內行小失不可勝書故

於終畧責之
見其義是也

晉侯使荀櫟唁公于乾侯

秋葬薛獻公

冬黑弓以濫來奔音義

黑弓二傳作黑肱濫力甘反又力暫反

傳文何以無邾婁注据讀言邾婁疏

解云謂當時公羊子口讀邾婁

黑弓矣

通濫也注通濫為國故使無所繫曷為通濫注

据庶其不通也疏

注解云即襄二十一年春邾婁庶其以漆間丘來奔是也

賢者

子孫宜有地也賢者孰謂謂叔術也注叔術者邾婁

顏公之弟也或曰羣公子疏

注叔術至弟也解云謂母弟也或曰羣公子謂

庶弟也

何賢乎叔術注据叔術不書讓國也其讓國奈

何當邾婁顏之時注顏公時也邾婁女有為魯夫人

者則未知其為武公與懿公與孝公幼注不知孝公

者邾婁外孫邪將妾子邪音義

武公與音餘下及注皆同

顏淫九

公子于宮中注所與淫公子凡九人疏

注解云謂顏公一人不應

竝淫九人故以所言之

因以納賊則未知其為魯公子與邾婁

公子與臧氏之母養公者也君幼則宜有養者大夫

之妾士之妻注禮也則未知臧氏之母者曷為者也

養公者必以其子入養注不離人母子因以娛公也

疏

解云則未知其為魯公子與者為內通于魯公子也邾婁之公子與者不知為是邾婁公子者與古

者諸侯一娶九女二國媵之而邾婁一國以并有九女於魯宮內者蓋所取於邾婁相通為九人不必盡是一人妻矣大夫之妾士之妻禮記內則文故注云禮也按內則大夫之妾士之妻並陳之謂士妻不吉乃取大夫之妾亦得事不具矣何者乳食一男何假二人乎則未知臧氏之母為是大夫之妾為是士之妻故曰臧氏之母聞有賊以其子易公抱公以逃注曷為者以身死公則可以其子易公非事夫之義然而於王

法當賞以活公為重也賊至湊公寢而弑之注弑臧

氏子也不知欲弑孝公者納篡邪將利其國也音義

湊七反臣有鮑廣父與梁買子者聞有賊趨而至臧氏

之母曰公不死也在是吾以吾子易公矣於是負孝

公之周愬天子天子為之誅顏而立叔術反孝公于

魯顏夫人者姬盈女也國色也其言曰有能為我殺

殺顏者吾為其妻注殺顏者鮑廣父梁買子也婦人

以貞一為行云爾非德也音義

愬音素本亦作訴為之于偽反下為我為

之則為竝同嫗紆具反一音紆羽反

疏解云嫗盈女也者謂此老

嫗是盈姓之女國色也

者謂顏色一國之選 叔術為之殺殺顏者而以為

妻注利其色也有子焉謂之盱夏父者其所為有於

顏者也注為顏公夫人時所為顏公生也音義

盱許反

又許孤反本或作盱一音夸夏父

疏解云謂為顏公妻時所以有之

者盱幼而皆愛之注叔術嫗盈女皆愛盱食必坐二

子於其側而食之有珍怪之食注珍怪猶奇異也音

義

食音嗣

盱必先取足焉夏父曰以來注猶曰以彼物

來置我前人未足注人夏父自謂也而盱有餘注言

盱所得常多叔術覺焉注覺悟也知少爭食長必爭

國易曰君子見幾而作知幾其神乎幾者動之微者

事之先見音義

長丁丈反先見賢徧反下欲見見王者同疏注易曰至先見解云皆出

下繫辭彼文云知幾其神乎君子上交不諂下交不瀆其知幾乎幾者動之微吉之先見者也君子見幾而作不俟終日是也曰嘻此誠爾國也夫起而致國于夏父夏

父受而中分之叔術曰不可三分之叔術曰不可四分之叔術曰不可五分之然後受之注五分受其一

音義

嘻許其反也夫音扶

疏

注解云服虔成長義云邾婁本附庸三十里耳而言五分之為六里

國也者彼乃左氏之偏辭未足以奪公羊以為邾婁本大國但春秋之前在名例隱元年何氏有成解

公扈子者邾婁之父兄也注當夫子作春秋時於邾

婁君為父兄之行公扈者氏也音義

行戶郎反

習乎邾婁

之故注故事也道所以言也疏

注解云謂道下傳所言矣

其言曰

惡有言人之國賢若此者乎注惡有猶何有寧有此

之類也言賢者寧有反婁嫂殺殺顏者之行乎音義

惡音烏

誅顏之時天子死叔術起而致國于夏父注

注同

言叔術本欲讓迫有誅顏天子在爾故天子死則讓
無妻嫂惑兒爭食之事當此之時邾婁人常被兵于
周曰何故死吾天子注猶曰何故死畜吾天子違生
時命而立夏父乎此天子死則讓之效也夫子本所
以知上傳賢者惡少功大也猶律一人有數罪以重
者論之春秋滅不言入是也案叔術妻嫂雖有過惡
當絕身無死刑當以殺殺顏者為重宋繆公以反國
與與夷除馮弑君之罪死乃反國不如生讓之大也

馮殺與夷亦不輕于殺殺顏者比其罪不足而功有

餘故得為賢傳復記公扈子言者欲明夫子本以上

傳通之故公扈子有是言音義

數所主反反疏注解云復扶又反夫子本

所以至功大也者上傳謂五分之然後受之以以上矣云春秋滅不言入者即莊十年傳云戰不言伐圍不言戰入不言圍滅不言入書其重者也是云當絕身無死刑者但當絕其身以為不修不合殺之故曰無死刑然則內外亂鳥獸行則滅之者謂姑妹之徒今一則非父子聚麀二則嫂非姑姊妹故也當以殺殺顏者為重謂犯王命殺魯賢臣故以為重宋繆公反國之事在隱三年彼傳文具矣其除馮弑君之罪者即桓二年宋督弑其君之下注云督不氏者起馮當國不舉馮弑為重者繆公廢子而反國得正故為之

諱是也注云死乃反國不如生讓之大也者言繆公死乃反國非其全讓之意不如叔衍生讓其功大矣注云馮殺與夷亦不輕于殺殺顏者謂馮為弑君叔衍為犯王命皆是惡逆其罪勢等矣云比其罪不足而功有餘故得為賢者上解云其罪勢等矣而言罪不足者謂犯王命殺魯大夫豈如宋馮弑君乎故以為罪少于馮矣其罪既少其功有餘故得賢之

通濫則文何以無邾婁注据

國未有口繫于人疏

注解云言若通濫是國宜應特達何故文上無邾婁而已其口

仍繫邾婁言之乎故注云据國未有口繫于人

天下未有濫也注欲見天下

實未有濫國春秋新通之爾故口繫于邾婁天下未

有濫則其言以濫來奔何注据上說天下實未有濫

者言春秋新通之也春秋所通之君文成矣不言濫

黑弓來奔而反與大夫竊邑來奔同文疏

注解云與大夫竊邑

來奔同文者即襄二十一年春秋婁庶其以漆閭丘來奔之徒是

叔術者賢大夫也

絕之則為叔術不欲絕不絕則世大夫也注此解不

言濫黑弓意叔術者賢大夫也如不口繫邾婁文言

濫黑弓來奔則為叔術賢心不欲自絕于國又觸天

下實有濫無以起新通之文不可設也如口不絕邾

婁文言濫黑弓來奔則嫌氏邑起本邾婁世大夫春

秋口繫通之文亦不可施疏

注解云若口云邾婁文言濫黑弓來奔即嫌大

夫氏邑欲起黑弓本是邾婁世大夫口繫于邾婁欲通之為世大夫故也

大夫之義不得

世故於是推而通之也注推猶因也因就大夫竊邑

奔文通之則大夫不世叔術賢心不欲自絕兩明矣

主書者在春秋前見王者起當追有功顯有德興滅

國繼絕世疏

注解云隱元年注云諸大夫立隱不起者在春秋前明王者受命不追治前事

今此追之者春秋之義勸其後功是以上二十年傳曰君子之善善也長惡惡也短惡惡止其身善善及

子孫賢者子孫故君子為之諱是也

十有二月辛亥朔日有食之注是後昭公死外晉大夫

專執楚犯中國圍蔡也疏

注解云是後昭公死外者即下三十二年冬公薨于乾侯

是云晉大夫專執者即定元年三月晉人執宋仲幾于京師傳云其稱人何貶曷為貶不與大夫專執也是云楚犯中國圍蔡也者即定四年秋楚人圍蔡是也直言圍蔡足矣何須言楚犯中國欲言日食為夷狄強諸夏微之象故也

三十有二年春王正月公在乾侯

取闕音義

闕口
音反

傳闕者何疏

解云欲言是國諸典未聞欲言是邑文無所繫故執不知問

邾婁之

邑也曷為不繫乎邾婁諱亟也注與取濫為亟音義

亟去冀

疏

注云取亦作受字者二年之間
比取兩邑故以為亟而諱之矣

夏吳伐越

秋七月

冬仲孫何忌會晉韓不信齊高張宋仲幾衛世叔申鄭
國參曹人莒人邾婁人薛人杞人小邾婁人城成周注
書者起時善其脩廢職有尊卑之意也孔子曰謹權量
審法度脩廢官四方之政行焉言成周者起正居實外

之音義

量音亮

疏

注解云隱七年夏城中丘傳云何以書以重書也注云以功重故書也當稍稍

補完之至今大崩弛壞敗然後發衆城之猥苦百姓虛空國家故言城明其功重與始作城無異然則天子之城不時修理至今大壞方始城之而書者正欲起其當時之善故也何者當是之時天子陵遲諸侯奢縱忽能修其廢職有尊尊之心是以書見故以起時善云孔子曰謹權量至行焉者論語文云言成周者欲起正居實外之正以不言京師而言成周者欲起正居在成周故也言實外之者正以王微弱不能守成周不是小事猥苦天下是以不言京師實外天子云云之說在上二十六年

十有二月己未公薨于乾侯

春秋公羊傳注疏卷二十四

春秋公羊傳卷二十四考證

晉人圍郊傳曷為不繫於周不與伐天子也○臣召南

按晉人圍郊圍子朝之邑也此正勤王之師可謂之伐天子乎襄王之難晉文自將以定王室伯業所以隆也此役但遣籍談荀櫟用二師為聲援伯業所以衰也公羊猶以圍郊為非何哉

尹氏立王子朝注王子朝不貶者年未滿十歲未知欲

富貴○

臣浩

按何休何以知子朝年未滿十歲乎經

書尹氏立王子朝擅立之罪已明不待去王子二字也

叔孫舍至自晉疏今此叔孫舍不去氏者盖以無罪故也○劉敞曰二傳俱無叔孫二字公羊獨有此似聖人本意所謂辭繁而不殺者也

有鸛鵒來巢傳何以書疏冬官云鸛鵒不踰濟○臣浩

按考工記作鸛鵒不踰濟與左氏經同不作鸛也鸛字疑誤但各本俱同

秋七月上辛大雩季辛又雩傳非雩也聚衆以逐季氏也○劉敞曰傳非也若七月聚衆則何至九月公始出奔乎何休又說日為君辰為臣去辰者逐季氏意明蓋迂而不典

公圍成疏公親圍成不能服○監本誤作不能圍成不能服今從定十二年注改正

公會齊侯莒子邾婁子杞伯盟于剕陵○臣召南按剕陵左氏穀梁經作鄆陵呂祖謙春秋集解不云公羊

作剽陵疑此經亦應作鄆陵也

天王入于成周傳不嫌也注疏正以此上二十二年秋
劉子單子以王猛入于王城○王城監本訛作成周
今改正

吳弑其君僚注為季子諱○劉敞曰季子之不討闔廬
勢不可也豈義之乎故託言不忍父子兄弟相殘耳
春秋何為遂為之諱夫弑君大惡也此而可諱誰不
可諱乎苟春秋但順賢者而為之諱是一國有賢通

國無罪也

春王三月葬曹悼公注月者為下出也○

臣照

按公羊

家既謂春秋書時書月各有義例則又安可因下文
他事之應月而先書于本事乎使葬曹悼公不當月
而公如晉次于乾侯當月則必書曰春葬曹悼公三
月公如晉次于乾侯矣寧有為下出之理于傳無之
乃何氏之說也

三十年春王正月公在乾侯注故以存君書明臣子當

憂納之○

臣召南

按前此居鄆不書在鄆鄆魯邑也

居鄆猶居魯也乾侯則晉邑非魯地矣是以每歲書

之

季孫隱如會晉荀櫟于適歷注從王魯錄○

臣召南

按

隱如書會黑弓書來奔皆臨文當如是耳何休以為
從王魯錄不亦異乎

葬薛獻公○薛監本誤作晉今改正


黑弓以濫來奔傳通濫也○劉敞曰傳非也以叔術為

賢賢既不足又懸隔數十世之外而通叛君之黑弓
便當有國誰能信之漢儒辨此多矣不若以大義格
之臣召南按叔術事類齊東野人之語即如其說貪
色殺仇何成賢者且其事在春秋以前邾婁不過一
附庸耳何得有顏公之稱乎劉敞謂漢儒已辨此者
見後漢書賈逵傳

城成周疏論語文○監本文字下衍彼注二字今刪



春秋公羊傳卷二十四考證



覆校官編修臣蕭際韶

校對官檢討臣王鍾健

謄錄監生臣李帶雙